


# TRES MORTO Y 265 PERSONA CABA INFECTA CU CORONA VIRUS NA HULANDA COVID- 19, conoci como Corona Virus ta sigui crece na Hulanda.



## Italia ta considerando blokia henter Lombardia y otro 11 region pa preveni coronavirus

**Dama a keda  
seriamente  
herida, despues  
di a lucha cu tres  
cacho hopi brabo,  
pa a protega su  
Shisu Tzu**



**Polis a detene  
homber bou  
influencia cu no  
kier a coopera**



**Coriendo pa polis,  
brommer a parti den  
dos na rotonde  
Tanki Leendert**



**Ta subestima e seriedad?  
Corona Virus ta un  
simpel otro griep mas?  
Haya sa mas....**





## Polis a detene homber bou influencia cu no kier a coopera



Diadomingo pa mas o menos 4'or y 40 mientras cu un patruya di polis tabata pasando banda di Malmok, nan a mira un Kia Rio sospechoso, mesora a bay controla e auto aki y enberdad nan a nota cu e homber den e auto aki tabata bou influencia.

Polis tur na bon a pidi e homber pa coopera cu nan, pero e homber no kier a sigui nan ordo di polis y mucho menos coopera cu autoridad. Polis a dicidi mesora di detene e homber aki y a pidi pa transportwagen. Esaki pa su mesun seguridad y di otro riba caminda.

Na yegada di e transportwagen ainda e homber a haci poco fastioso, pero e polisnan a logra hinke den e transportwagen y transporta pa warda di polis caminda elo a haya un camber gratis pa sosega su curpa. E auto tambe a wordo hiba warda di Polis, pa ora e bin bij, e tin su auto pa e por bay su cas.



## Italia ta considerando blokia henter Lombardia y otro 11 region pa preveni coronavirus



Gobierno Italiano ta considerando medidanan di gran alcance pa frena e brote di coronavirus, segun un proyecto di e decreto den mannan di e agencia di noticia Britanico Reuters. Entre otro cosnan, e decreto ta establece cu e ciudadanonan ya no ta wordo permiti drenta of sali for di e regio afecta di Lombardia. Te cu

awo, solamente un cantidad limita di areanan nort di Italia a wordo poni den cuarentena; Esakinan ta e asina yama "zonanan cora." Pero e decreto nobo conceptual ta establece c e personanan ya no ta wordo permiti drenta of sali for di Lombardia. Ademas di Lombardia, 11 provincia den otro regionnan tambe pro ta blokia. Nan ta e provincianan di Modena, Parma, Piacenza, Reggio Emilia, Rimini, Pesaro, Urbino, Veneto, Padua, Treviso, Asti y Alessandria. E restriccionnan ta wordo aplica segun e concepto te cu por lo menos dia 3 di april. E regionnan relevante aki solamente por wordo ingresa y sali ora cu ta estrictamente necesario, segun e corant Italiano Corriere Della Sera. Segun Reuters, por ehempel ta trata di "trabao necesario" of rasonnan familiar. E contenido precisa di e decreto

ainda ta wordo discuti pa autoridadnan Italiano y por cambia.

Decreto por wordo aproba diasabra Ta spera cu e decreto por wordo aproba mas laat diasabra, segun e hefe di e agencia Italiano di proteccion civil. Segun medionan local, e decision solamente lo sigui diadomingo. Den e ultimo 24 oranan, e cantidad di infeccion na Italia a aumenta den mas di 1200 pa 5883 caso. E decreto ta establece entre otro cosnan, cu tur scol di e regionnan en cuestion ta keda cera te cu dia 3 di april. Museo y piscinanan tambe mester mantene nan portanan cera. E restaurant y barnan por keda habri, semper cu por garantisar un distancia sigur di 1 meter. Tur vakantie di e ciudadornan tambe lo cancela.



Cambionan grandi ta na caminda den presupuesto 2020

# Gobierno ta introduci un belasting nobo ora di manda o cambia placa pa moneda stranhero (dollars of Euro)

Esaki lo por conduci cu prijs di 1 \$ lo costa Afl. 1.88

Den e proximo siman nos dilanti, Parlamento di Aruba lo mester trata e presupuesto di año 2020 y na mes momento duna su aprobacion pa cu esaki.

E presupuesto 2020 di pais Aruba ta yena cu cantidad di cambionan, unda lo mester garantiza pa Gobierno haya mas placa pa por cumpli cu su debernan.


Un di e cambionan ta un belasting nobo ora di cambia placa pa un moneda stranhero, sea dollars of euros. Of ora di manda placa den

exterior, sea via banco of via e casnan di envio.

Lo bini un porcentaje nobo cu lo keda introduci, cual tur hende lo mester paga. Den cierto sentido no ta tur hende tin mester di cambia placa na dollars, solamente ora di viaha pa razonnan medico of vakantie. E momento ey tambe bo lo mester contribui cu e belasting aki.

S i n e m b a r g o indirectamente esaki lo tin su impacto riba

economia di Aruba, pasobra tur cos na Aruba ta wordo importa, cual nifica cu tur comerciante na un momento of otro mester manda pagonan den exterior pa compra mercancia. Ora cu nan haci esaki, e comerciante lo bay paga algo extra, cual automaticamente ta subi su costo. No ta conoci cuanto miyon gobierno lo kier haya cu e belasting riba cambio di moneda, pero hecho ta cu gobierno lo mester di dje urgente pa asina por cumpli cu su debernan.



## Tres morto y 265 persona caba infecta cu Corona Virus na Hulanda

COVID-19, conoci como Corona Virus ta sigui crece na Hulanda.

### Aantal Coronavirus (COVID-19)-meldingen

Per gemeente (waar de patiënt woont), peildatum 8 maart 2020

Aantal

- 1
- 7
- 16

— GGD-regio's



Amsterdam, Hulanda: Diadomingo dos persona mas cu tabata infecta cu e Corona Virus a fayece, ta trata di dos homber, un di 86 año cu tabata interna na Bernhoven Ziekenhuis na Uden, cu ta keda na Noord Brabant. E otro ta un homber di 82 año di Sittard-Geleen, e tabata interna na Zuyderland Medisch Centrum.

Ambos persona tabata hopi malo caba, esaki RIVM a anuncia diadomingo merdia. Actualmente tin un investigacion andando con e dos hombernan aki por a keda infecta cu e virus aki.

Tena e momentonan aki na Hulanda tin tres persona caba cu a fayece di e virus aki. E prome persona cu a fayece tabata algun dia pasa, tabata trata di un homber di 86 año kende tabata interna na Ikazia Ziekenhuis na Rotterdam.

For di diasabra pa diadomingo, na Hulanda 77 persona mas a keda infecta cu Corona Virus. Di e personanan infecta 144 a haya


e virus despues cu nan a bin for di exterior, di esaki 131 persona infecta cu e virus tabata recientemente na e parti Nort di Italia. Otro 74 persona a wordo infecta na Hulanda mes, pa un otro persona cu ya caba ta infecta. Tambe 46 persona cu ta infecta, no ta conoci con nan a haya e virus aki, actualmente tin un investigacion andando pa haya sa con e 46 persona nan aki lo por a keda infecta cu e Corona Virus.

Salubridad Hulandes tin tur atencion pa e virus aki y su desaroyonan ta wordo sigui di cerca y constantemente RIVM ta publica cualkier desaroyo nobo riba medianan social y den prensa Hulandes. Na Hulanda mas cu 6 mil test a wordo haci caba y na tur laboratorio rond Hulanda e por wordo haci. Tambe Gobierno Hulandes ta dunando tur tips y informacion con pa preveni y kiko pa haci referente e Corona virus.

Fuente: RIVM (Rijksinstituut voor Volksgezondheid en Milieu)



## Polis su tras, pero no den persecucion..... Coriendo pa polis, brommer a parti den dos na rotonde Tanki Leendert



Tanki Leendert/ Moko: Diadomingo pa mas o menos 3'or y 35 di marduga, na momento cu un patruya di polis tabata pasando riba e caminda di Solito pa Tanki Leendert na altura di Cas Casuela nan a bin nota un brommer y e motociclista no tabata tin helm bisti.

Polis mesora kier a bay atende cu e motociclista, pero esaki na momento cu ela mira e intencion di polis ela hisa velocidad y a bay direccion nort. Polis no a bay core su tras pero si a sigui bay direccion panort pa si acaso nan acerca e brommer nan por atende cu e motociclista, pero ora nan a yega na e rotonde di Tanki Leendert, nan no a mira e brommer mas.

Ariba e rotonde e polisnan a bin topa cu e brommer, e brommer tabata parti den dos, e motociclista lo a dal cu su brommer riba e rotonde y den e impacto fuerte esaki lo a

parti den dos. E motociclista mes no tabata na e sitio mas.

E polisnan na e sitio mesora a pidi cooperacion di nan coleganan pa asina cera e rotonde pa evita cu e trafico pega y tambe a pidi pa presencia di polis di trafico pa haci un investigacion.

Basta rato despues polisnan a haya un melding cu na un cas na Moko, lo a yega un persona cu ta herida y tabata kehando di dolor, e persona lo a pidi pa yama un ambulance p'e.

Na e momento ey polisnan no tabata sigur si ta trata di e motociclista of un otro accidente, pa motibo cu mesora tras di e melding aki a drenta un melding cu un auto lo a cay den Rooi na Saliña, cerca di e dam, polisnan a bay direccion di Saliña pero no a topa cu niun auto den niun Rooi.

Ambulance bay na e cas unda e persona herida tabata ta y na momento cu nan tabata atendiendo e persona aki, nan a bin compronde cu tabata trata di e motociclista cu a accidenta un rato prome riba e rotonde Tanki Leendert.

Mesora polis di trafico a bay na e adres pa asina tuma declaracion y datos di e motociclista. E motociclista enberdad tabata herida y tabata kehando cu su brasa tabata haci hopi dolor.

Despues cu personal di ambulance a trat'e, nan a dicidi di transport'e pa hospital pa un tratamiento medico mas avansa.

Un rato despues famia di e motociclista a bin busca e brommer cu a keda parti den dos riba e rotonde Tanki Leendert.



## Ta subestima e seriedad?

# Corona Virus ta un simpel otro griep mas?

### Haya sa mas....



Tin hopi informacion robes ta wordo duna, y lamentablemente tin algun persona y te hasta periodista cu gusta mal informa of mihor bisa ta subestima e seriedad of ta tilda otronan di ta "crea panico". SOLO DI PUEBLO a tuma nota di un columna cu semper ta pretende di ta masha sabi y gusta rebaha otro, unda kier pa tuma Corona Virus tranquil, pasobra ta un griep e ta.

Asina por lesa con nan ta mescla Corona Virus cu griep y considere

just un otro griep mas, y ta subestima of minimaliza e seriedad di e virus. Kisas ta un falta di seriedad di nan parti!  
E ta just un griep mas??? E realidad ta esaki:

1. E causanan di Covid-19 y un griep ta diferente apesar cu e syptomanan ta similar, segun WHO. Covid-19 ta wordo causa pa e CoronaVirus nobo mientras un griep ta wordo causa dor di influenza virus. Ambos malesa ta bini cu problema respiratorio, keintura, tosamento, ta rekeri testnan adicional di laboratorio pa confirma, segun WHO.
2. Covid 19 ta causa un malesa mas severo den bo curpa compara cu griep, cual nifica cu e porcentaje cu e ta ocasiona morto ta mas halto cu di un griep.

Globalmente Covid 19 conoce un rate di morto di 3.4% di tur pacient infecta. Griep su porcentaje di morto ta hopi hopi menos cu 1% di tur esnan infecta cu griep. Pues un rate di mortalidad hopi mas grandi cu griep. Den verhouding e ta 1 morto di griep pa 5 of 6 morto di CoronaVirus. Algo cu ta rekeri seriedad total.

3. No tin ningun vacuna obtenibel pa Covid19, tampoco remedi of tratamiento. Pa griep si tin vacuna, remedi y tratamiento. Apesar di e diferencia grandi entre griep y coronaV, WHO ta kere cu por contene e virus aki, cual mester tuma tur medida na alcanse pa contene. Dje forma aki nos a contribui un poco pa splica cu Coronavirus no ta igual na un griep mas.

## Famia inconsolabel, despues di e perde tur cos den candela di cas



Diadomingo marduga brandweer y polis a sali direccion Rooi Kochi un lo tawata tin un cas na candela. Na yegada di prome unidad di Brandweer nan ta topa cu un cas completamente domina pa vlamnan. Esaki tawata motibo suficiente pa mesora baha slangnan y cuminsa na combati e candela.



Mientrastanto polis tambe a yega y un unidad mas di Brandweer, pa yuda cu awa. Segun nos a compronde na e adres tin dos persona ta biba, pero e momento ey nan lo no tawata na cas. Habitantenan a wordo lanta door di holor di huma y zonidonan di cos cu lo tawata kibra. Bomberonan mes a

kita fuse di e cas, pa asina evita desgracia.

Slachtofferhulp a wordo poni na altura pa asisti e famia, despues di e incidente sumamente lamentabel aki unda e famia a perde tur cos.



## Dama a keda seriamente herida, despues di a lucha cu tres cacho hopi brabo, pa a protega su Shisu Tzu



Diahuebs den oranan di atardi, tur cos a cuminsa na momento cu un cacho di rasa Shisu Tzu a sali pafo, e doño mesora a bay tras di su cacho. Na momento cu e dama a gara su cacho,


pa su sorpresa for di cura di un bisiña a sali un cacho grandi, cu mesora a ataca e Shisu Tzu, ela lastra e cacho indefenso bay cune.

E dama hopi lihe a sali na defensa di su cacho, na momento cu e tabata luchando pa salba bida di su cacho, un otro cacho brabo a sali for di e cura di cas. E dosnan aki a cuminsa morde e dama, nan a benta e dama a abou, despues di un rato a sali un di tres cacho for di e cura cu tambe a bay ataca e dama. E dama yen dolor tabata grita pa auxilio, un cabayero cu a scucha con e dama tabata grita, mesora a sali bay yude, ela core e tres cachonan aki, pa asina scapa e dama y su cacho di mas mordi. E dama a haya basta mordi for di e tres cachonan aki, ela wordo malamente mordi na su brasa, su pecho y diferente

otro parti di curpa. E cacho chikito tambe a haya varios mordi. E dama mester a bay hospital pa tratamento medico, mientras su cacho a keda interna na veterinario, pa motibo di e mordinan cu ambos a ricibi. Polis a presenta pero segun nan, nan no por haci nada contra e cachonan aki, paso nan ta bek den nan cura di cas. Un cos si e gastonan ta gigantesco y esaki ta core riba cuenta di e doño di e e tres cachonan brabo aki. E cura di e cas no ta cera bon y e cachonan ta djis pushe un poco y sali for di dje.

E cachonan aki mester ta bon cera den cura halto y cu portanan sigur, no por laganan den un cura habri, cu nan por bay riba caya, paso un hende grandi mes nan a morde asina, ta kiko ta mayan si nan gara un mucha chikito.

## Gobierno lo cambia Sistema di cobra BBO di uno atrasa pa un adelanta.. Awor lo bay paga BBO mesora na importacion di producto y hunto cu Invoerrechten E cambio ta trece cune un maneho administrativo intensive pa negoshinan



Te cu awor, e sistema di paga BBO na Gobierno ta depende di confianza, esta cu Gobierno ta depende cu tur negoshi ta bon hende y cu tur dia 15 di luna nan lo presenta na Belastingkantoor pa paga e BBO. Sinembargo Gobierno kisas lo a constata cu tin un x cantidad di negoshinan cu no ta cumpli cu e pago di BBO y esaki ta obstaculisa Gobierno di haya su placa.

Pa por mehora e cash-flow di Gobierno y pa no keda steuns riba e confianza di e comerciante pa paga su BBO na tempo, Gobierno lo bini cu un mudanza di BBO. Lo muda e BBO 6% pa parkeer e banda di invoerrechten. Cu esaki nan kemen cu nan ta manda e BBO pa "grens" o frontera.

Kico ta e implicacion?

Pa cualke comerciante haal op su carga, su container of su mercancia, e mester paga e invoerrechten y na mes momento e bbo di 6% como un sorto di adelanto.

E comerciante ta paga BBO 6% hunto cu invoerrechten na Aduana y na fin di luna ora cu e cera su omzet, e ta trek af e suma cu a wordo paga na BBO na entrada. Pues e pago di BBO 6% ta keda mescos, riba tur dia 15 di luna, solamente cu loke a pagan a entrada, lo wordo desconta.

Segun expertonan di Gobierno, bo por mira dos caminda un BBO marca, pero e lo no ta adicional. E ta mesun BBO cu ta riba un otro cifra e momento ey, mirando e hecho cu e omzet di e negoshi cu ta bende un producto

ta keda falta.


Pues BBO ta wordo paga na frontera ta un voorschot, pero e negoshi lo cobrabo den e tienda e BBO normal.

Ora bo cumpra algo, e momento ey e negoshi ta bay saca su parti bek cu el a paga na BBO na grens. Mas cu claro cu e ta un asunto poco complica, cu ta bay encera un trabao administrative hopi intensivo. Si bo no tin e administracion bao control, e ora Gobierno lo sali gana.

SOLO DI PUEBLO no a logra confirma e Sistema nobo aki, pero a filtra esaki for di varios declaracionnan haci previamente dor di Belastingkantoor y politiconan mes.



# Corona Virus tin mundo den su gara



Covid-19, e virus cu a origina na China, tin mundo henter den su gara. Rond mundo tur miras y atencion ta riba dje. SOLO DI PUEBLO ta analisa e impacto di e virus aki.

Saliendo for di China, cu un stop masivo na Italia, y awor poco poco plamando rond mundo. E casonan ta creciendo rapidamente unda paisnan ta implementa tur sorto di medida y protocol pa contene.

## Raton di anochi:

Covid-19 ta un virus cu ta deriva for di Vleermuis.

Raton di anochi ta un mamifero cu ta contene hopi virus, pero ta conta cu un sistema inmunologico casi perfecto cu ta keda bringa e multiple virusnan den su curpa. Pesey e raton di anochi ta sobrebi e virus cual ta haci cu e virus ta keda bira mas fuerte den e raton pero sin por afect'e. Ora cu e Raton di anochi bin den contacto cu otro bestia, e ta pasa e virus potente aki na otro bestia, y via di bestia intermediario aki, e virus por yega na ser humano. Asina Covid 19

a origina. Te awor no ta conosi ta via cual bestia, e covid 19 a yega na ser humano.

Hopi ta mire como un simpel griep mas, pero den realidad e ta hopi peligroso y mortal pa hendenan cu edad mas halto of esnan cu imuno abao. Ya caba a conoce riba di 3000 morto.

## Crisis economia:

E preocupacion mundial a trece cune cu hopi hende a cancela nan vuelo of vakantie. Segun New York Times, ta estima cu companianan di avion lo haya un sla formal di un caida di \$ 113 biyon den ventas.

Mundialmente lo por conoce un rebaho drastico di vuelo y esaki ya por a confirma na Europa cu tur aerolinja incluyendo KLM. Medida severo na Italia tuma diasabra anochi: Diasabra anochi pa diadomingo Gobierno di Italia a anuncia cuarentena total pa un seccion di e pais.

Na Lombardije, Noord- Italia nan pone e ciudad completo den cuarentena, plus 14 otro sector unda a cera scolnan, oficinanan, teatro, shopping malls y varios otro sitionan. Aki tin 16 miyon hende den cuarentena cu no por sali di e ciudad. E cifranan ta subiendo na Italia den forma incontrollable. Tur otro pais ta den preparacion no unicamente pa e virus, pero tambe pa su impacto.

## Cancelacion riba cancelacion:

Un tras di otro tur eventonan grandi ta wordo cancela. Un di e esnan directo cu tin di haber cu Aruba ta Arubadag. Na Miami, Hulanda, Merca, Francia y Italia, ta un tras di otro eventonan ta keda cancela dor di e temor cu ta reina pa e virus propaga. Hasta Iglesia catolico a tuma medida unda a stop dunamento di man ora di duna paz na otro. Pues e malesa aki tin su impacto mundial no solamente riba salud pero tambe riba economia.

Nos lo sigui'e di cerca.

## Minister Chris Romero ta ratifica su decision di December 2019:

# Vehiculan Right Hand Drive (RHD) no ta permiti mas pa core cu plachi TX, T, O, B, V y MFV



Den luna di December 2019, e Titular di e cartera di Transporte, sr. Chris Romero, a anuncia su decision pa no permiti pa

pa duna un servicio comercial. Tambe for di diferente instancia ta sali diferente

vehiculan conoci como Right Hand Drive (RHD), core como Taxi (TX), Tour (T), Ongeregeldvervoer (O), Bus (B), Verhuurauto (V) y Motorfietsvervoer (MFV). E decision aki a keda tuma basa riba diferente factor crucial, cual esun principal ta e siguridad di e pasaheronan cu subi un un vehiculo di transporte publico cu ta RHD.

Ta asina cu for di algun tempo caba companianan di seguro na Aruba a cuminsa avisa cu nan no lo sigui sigura vehiculan tipo RHD cu ta destina

ponencia di cual por conclui cu un vehiculo di transporte publico cu ta RHD, por pone e usuario su integridad fisico na peliger. Segun Minister Romero a duna di conoce cu "si bo transporta un persona dilanti, ora e baha e ta haci'e band'i caminda y no na banda di acera, cual riba su mes ta un peliger caba. Y como cu mayoria di e usarionan di transporte publico na Aruba ta turista, nos tin di pensa pa proteha nos turismo pasobra si algo pasa den e indole aki, e lo bira un mal propaganda internacional pa nos pais".

Lo bay tin un fase transitorio pa esnan cu actualmente ta haciendo uzo di un vehiculo tipo RHD pa duna servicio di Taxi. E vergunninghouders cu ta haciendo uzo di un vehiculo RHD a wordo poni caba na altura di e decision aki di Minister Romero, y nan ta haya un tempo adecua pa busca un vehiculo cu ta apto pa core riba nos careteranan na Aruba.



## Minister Dangui Oduber

# Ta gradici e ser femenino y felicita nan riba dia internacional di hende muher.



Feliz dia internacional di hende muher. Un dia special pa e ser excepcional den nos bida.

Pabien na tur e hende muhernan riba nan dia awe.

Awe ta un dia pa reconoce e importancia di e hende muher den nos comunidad y den nos bida diario. Nan tin rol fundamental pa nos tur y ta central di cada famia. Sin importa si ta un ama de cas, un docente, un , un secretria, un asistente, un consehero, un housekeeper, un manager, un CEO of cualkier otro funcion den nos



comunidad, cada un dama tin un responsabilidad hopi importante den su bida diario como ser femenino.

Nos mester gradici tur ser femenino aki pa nan contribucion na nos pais. Ami ta gradici tur e damanan aki den nos comunidad pa tur locual nan ta haci. Tur ser femenino ta mes importante.

Den mi bida diario tin hopi dama importante, cuminsando na mi casa, mi mama, suegra, tantanan, primanan, esnan cu ta yudami incondicional riba mi bureau. Tur masha danki.



**ALLTOCAR**

PREMIUM OUTLET



**AUTOMOTIVE  
SERVICE  
EXCELLENCE**



**CERTIFIED**

ISO 9001:2015



**QUALIFIED STAFF**



79.50

AFL

RETAIL PRICES ~~115.50~~

OIL CHANGE  
+ SPARK PLUGS



**THE BEST MECHANIC  
WORKSHOP**

10

**CAR LIFTS**

CUTTING EDGE TECHNOLOGY









## Carta habri di Aruban Warriors na Minister di Husticia

# BAHA CU MAN DURO CONTRA ILLEGALIDAD

Distinguido Excelencia,

E efectonan negativo di ilegalidad na Aruba ta conoci. Entre otro ilegalidad ta trece un riesgo cu ne pa e Seguridad Nacional. Y n'e momento ki e pueblo tin cu carga cu tur e gastonan di ekipo, helicopter, boto, auto pa polis, personal di polis y Warda Nos Costa, hospital, educacion, detencion y deportacion etc. Ilegalidad ta expande e chens riba trafication/explotacion y ta trece competencia inhusto pa trahadornan/negoshinan legal. Ademá n'e momentonan ki no por lubida cu e chens cu e Corona Virus COVID-19 lo drenta y plama na Aruba ta bira mas grandi na medida cu e cantidad di personanan ilegal na Aruba subi ya cu lo no tin bista riba personanan ilegal infecta y no lo por pone e personan ilegal infecta den cuarentena (na tempo). Y tur esaki teniendo na cuenta e capacidad limita di nos hospital y centro medico.

Den siglo 17 tempo di e pandemia di e peste preto na Europa, gobernacion di Hulanda a logra di contene e pandemia door di cera tur e fronteranan di lama y tera di Hulanda. Den caso di e prome caso di coronavirus COVID-19 tambe nos ta pidi, pa proteccion di un y tur y specialmente esnan mas vulnerabel cu condicionan medico preexistente, pa cera tur frontera di Aruba te ora cu a logra di contene e virus exitosamente.

Banco Central di Aruba pa medio di su informe di 2002: "Aruba: Causes and effects of excessive immigration" skirbi pa Drs. Jorge R. Ridderstaat, a recomenda cu e hecho cu ilegalidad no ta paga na Aruba mester wordo enfatisa mas ainda pa desanima y descurasha e stranheronan di drenta den e circuito ilegal. Anos ta di opinion sinembargo cu e hecho aki nunca a wordo enfatisa mirando cu entretanto segun publicacionan den prensa tin 15 mil persona ilegal na Aruba. Alabes tumando den consideracion cu probablemente ningun boet a wordo duna na esnan cu ta emplea personanan ilegal.

Ta necesario pa cuida y vigila e costanan di Aruba. Sinembargo e acto aki so lo ta manera carga awa pa lama si no castiga e organisacionnan/personanan local cu ta ofrece ayudo na ilegal a cambio di fabor of placa. Y esnan cu ta explota ilegal. Pues tin di cuminsa actua por directo contra tur e anti socialnan cu pa

beneficio propio ta causa daño na Aruba door di ofrece ayudo na ilegal of ta emplea personanan ilegal.

Nos ta urgi pa laga:

- \* traha un emailadres oficial na unda pueblo por manda su melding anonimamente. Cu esaki por registra cantidad di melding y cifrasnan cu cual por adapta e maneho.
- \* manda e emailadres oficial ki pa nos emailadres na arubanwarriors@gmail.com
- \* duna tur esnan cu ta contribui cu ilegalidad, yuda, huur appartement/huur kamer den cas di pueblo (subsidia) na ilegal etc un boet di e di 4 categoria conforme articulo 2:154 inciso b di e Código Penal di Aruba. Corda cu por gara ilegal pafor di e cas.
- \* duna tur esnan cu ta emplea ilegal un boet di e di 3 categoria conforme articulo 2:155 inciso 1 di e Código Penal di Aruba.
- \* duna tur esnan cu ta haci un ofishi of custumber di emplea ilegal un boet di e di 4 categoria conforme articulo 2:155 inciso 2 di e Código Penal di Aruba
- \* saca un lista den corant regularmente (p.e. 1x pa siman) di e nombernan di e negoshinan unda a gara ilegal y e sumanan di e boetnan duna na cada negoshi.
- \* tene esun cu a firma pa para garantia pa tur gasto di Pais Aruba responsabel pa tur e gastonan pa Pais Aruba incluyendo deportacion en caso e temporada di estadia di e turista a caduca.

Nos lo concede su excelencia Minister di Husticia sr. mr. A. Bikker un periodo rasonabel di maximo tres siman pa mail nos un contesta na arubanwarriors@gmail.com. Si tres siman despues di publicacion di e carta aki den medionan di comunicacion, nos no a ricibi un contesta di su excelencia, nos lo asumi cu no ta duna importancia na nos peticion. Y si pa un of otro motibo no por of no kier otorga nos nos peticion nos lo studia cua lo ta e siguiente pasonan cu nos lo tuma mirando e urgencia di nos preocupacion pa cu nos tera Aruba y p'e Arubianonan.

Atentamente,  
Aruban Warriors

## Na Italia y Iran mas di mil infeccion door di coronavirus den un dia



Tanto na Italia como na Iran, a agrega mas di mil infeccion nobo door di coronavirus diasabra, un señal cu e propagacion di e virus den ambos pais ainda no a caba. Na Italia, e cantidad di infeccion diasabra a aumenta di 1247 caso pa 5883 persona infecta en total.

E cantidad di morto na Italia como resultado di COVID-19 a aumenta di 36 pa 233. Diabierna, a agrega 49 morto nobo na e pais, e mayor aumento desde e inicio di e brote na Italia.

Tambe a agrega mas di mil infeccion na Iran, unda e cantidad di persona infecta a aumenta na 5832. Otro 21 persona na Iran a muri pa

motibo di e virus, incluyendo e parlamentario conservador Fatemeh Rahbar. Varios politico Irani y funcionarionan di e gobierno a haya coronavirus. Dialuna, e alto funcionario di gobierno Mohammad Mirmohammadi a fayece debi na e efectonan di COVID-19.

Dos parlamentario Frances ta enfermo

Na Francia a anuncia diasabra cu e cantidad di persona cu a fayece door di e efectonan di e virus a aumenta na 16, cu 949 infeccion. Tres persona den e parlamento Frances tambe e enferma, incluyendo dos parlamentario y un empleado di catering.

Na Hulanda, 188 persona a wordo infecta cu coronavirus. E mayoria di e casonan nobo a wordo haya diasabra na Brabante Septentrional. Diabierna, RIVM a solicita na e residentenan di e provincia aki cu kehonan como verkoud, tosamento of keintura pa nan keda cas. Na principio di otro siman, RIVM ta spera pa bisa mas riba e distribucion na Brabante Septentrional.



## NEGOSHI DI CANNABIS DEN MAN DI CIUDADANO LOCAL??

Si mundialmente industria internacional ke monopolisa plantacion, cuido y benta di marihuana medicinal bou di cantidad di exigencia y condicion, e pregunta pa Aruba ta: di con Aruba no por bin cu propio exigencia y condicion pa plantacion, cuido y benta di marihuana medicinal y no medicinal pero den man di ciudadano local?

Cada pais tin nan propio maneho pa loke ta trata cannabis/ marihuana. Ban ta honesto, Aruba no tin e conocimiento (finanza si?) necesario pa competi internacionalmente cu produccion y benta di cantidad grandi di cannabis medicinal riba e nivel cu mundo ta exige o permiti. Tur conocimiento mester bin di o worde cumpra den exterior. Aparentemente decision a cay cu Gobierno ta bin cu ley y reglamento pa permiti produccion y exportacion di cannabis medicinal.

Loke na Aruba si tin na conocimiento ta con, den escala chikito, planta, cuida y bende marihuana

den cantidad chikito. Pues e mercado local por lo menos Aruba mes lo por cubri pa CONTROLA uso y benta di marihuana cu awor aki ta den ilegalidad cu tur su consecuencia pa comunidad.

Loke falta ta un reglamentacion stricto cu ta cubri entre otro:

1. Permiso, contra pago, pa un ciudadano local;
2. Tereno/espacio fijo di cierto grandura determina;
3. Maximo cantidad di mata permiti;
4. Benta liber na puntonan fijo determina.
5. Etc etc
6. Etc etc

Mensahe di e articulo aki ta: si Gobierno por permiti negoshi internacional di cannabis medicinal na Aruba ANTO Gobierno mester por reglamenta negoshi chikito di marihuana local PA POR TIN CONTROL RIBA USO Y BENTA LOCAL cu awor ta den esfera ilegal cu tur su consecuencianan pa comunidad.

PA PENSE Ariba SIN MIEDO

## Toyota Camry a accidenta, despues cu ela core den verboden



## Honda Odyssey coriendo sin luz para door di polis

L.G Smith Boulevard - Diasabra marduga durante cu polisnan tawata atende un Nissan March cu lo tawata coriendo malo, un auto Honda tawata yegando cerca sin luz.



Mesora agentenan a bay memey caminda y a stop e. Nan a bisa e chauffeur cu e ta coriendo luz paga.

E chauffeur lo ta un partido di corant y lo a lubida di cende luznan di e auto. Despues cu polis a tuma su datonan y cu el a haya su multa e por a continua.

Toyota Camry a accidenta, despues cu ela core den verboden dilanti warda di polis na Playa bay pariba

Avenida Milo Croes - Diasabra marduga den careda di 3'or agentenan den warda na Wilhelminastraat a mira con un auto a pasa den verboden, dilanti warda di polis.

E vehiculo aki un

Toyota Camry a pasa cu velocidad hopi halto bay pariba.

Mesora polisnan a reacciona y sali bay buske, paso loke e chauffeur a haci ta algo sumamente irresponsabel y peligroso.

Drentando Avenida Milo Croes e Camry a perde control y dal contra un cura di cas na su man drechi, kibrando varios meter di awa.

Polisnan cu a yega mesora a detene e chauffeur.

A pidi Transportwagen pa a hiba e chauffeur warda di polis. Takelwagen y tambe WEB a wordo avisa. Daño material ta grandi.

Despues cu a baha e chauffeur na warda a pidi pa Ambulance, debi cu elo a haya golpi na su cabes y lomba.



## Parlamentario Endy Croes:

# Mike Eman ta un ex- Lider Putri

## Bo no por a HOGA Aruba den debe na e manera inhumano aki

Parlamentario Endy Croes ta expresa su mes alrepecto x lider di AVP Mike Eman. Despues di eleccion mesun anochi Mike Eman a distancia su mes como Lider pero aparentemente actualmente mientras cu AVP ta den e proceso pa busca un Lider nobo Mike ta fungi como Lider by choice. Pues cada tanto luna e ta purba sali di su cueva y bin dilanti pa midi dado caso e por tin influencia of forsa ainda pa lanta un pueblo. Parlamentario Endy Croes a splika cu su tarea como Parlamentario banda di ta trahando duro pa controla gobierno tin un deber politico esta un deber pa recorda pueblo kiko "haragannan" di AVP bou di Liderazgo di Mike Eman a comete cu nos pida baranca. Responsabilidad ta cuminsa na e Lider di partido alabes e x Minister Presidente e tempo aya pa cu su gobierno. Mike Eman no bin gaña di bisa awe cu Paul Croes por ehempel condena na 4 aña di prison cu Mike no tabata sa kiko tabata pasando den su gobierno. Mike Eman no por bisa awe cu e no tabata sa cu Benny Avestruz Sevinger cu a corumpi nos systema dunando asistencia y cooperacion di gobierno pa bende terenonan comercial den un structura di NV "mafiando" masha propiedad di pais Aruba pa enrekese nan mes. Mike Eman no por bisa cu e no tabata sa cu Mike de Meza a hedge WEB costando un total di 230 miyon. Mike Eman no por bisa cu e no tabata

sa cu Patrick Paskel y Speed a cobra 7 miyon structuralmente mediante diferente compania entre otro Thera Group y Paxi pa propoganda gobierno y ministernan. (E Papa di Roma Dowers tambe ta riba e lista di 7 miyon aki pues stop di ple santo). Mike Eman no por bisa cu e no tabata sa cu Sjiemfat a cobra 5.3 miyon na deskundig advies. Mike Eman no por bisa cu e no tabata sa cu a paga 142 miyon di pueblo na fiesta di coordinadornan. (Dakin Bo tey?). Mike Eman no por bisa cu e no tabata sa cu Richard Arends riba lista di AVP a cobra bou di un structura Horizon Company di su mesun persona 4 miyon for di e pueblo aki. (Richard conta pueblo un poko di Bo tereno y mansion na malmok). Mike Eman no por bisa cu e no sa cu su ruman a ricibi 1.6 miyon for di ATA pa un solo auto di careda. (Ta ful Parlo Marga por a wordo drecha cu e suma aki). Esaki no ta friend and family pero esaki ta "Blues Brothers" from me to you! Mike Eman no por sconde awor cu cifrasnan oficial ta riba mesa cual a comproba cu bou gobernacion di AVP prijs di coriente a aumenta cu 35.7%. Pues ki ora Mike gaña di grita cu el a baha prijs di coriente esaki ta un mentira. Mi ta rete riba esaki. Mike Eman no por bisa cu e no tabata sa cu Mike De Meza a malgasta 20 miyon di RDA sin cu refeneria a habri y un solo fiesta cu Destra nan a paha 780



mil. Mike Eman no por bisa cu e no tabata sa cu Utilities a paga New York Times 90 mil florin pa publica un atrikel di Mike. Mike Eman no por pretende cu a gasta cu TNO, Phillips Lighting y Whubbo Ockels riba 12 miyon florin. Sin conta locuranan di Green Conferense y Europ meets America unda miyones a bay. Mike Eman no por bisa pueblo cu e no tabata sa cu e projectonan PPP cu AVP a traha lo bay costa pueblo 82.4 Miyon pa aña cual nos lo caba di paga te na 2044. Mike Eman no por splika pueblo cu e no tabata sa cu

el a firma pa presta 2000 miyon y pueblo lo mester paga 232 miyon solamente na interes riba plaka cu Mike Eman a presta. Esaki ta tiki di e lista largo cu nos tin. Ora Bo lesa esaki Bo por conclui cu Mike Eman ta un Lider "putri" cu a kibra e pais aki financieramente, moralmente y socialmente. Kisas e kier a regala Hulanda nos baranca tan stima a cambio pa un posicion den Parlamento Europeo? Ban spera cu nunca pero nunca mas pueblo duna AVP un confiansa.

Bo no por confia pushi cu piska.

## Sittard no a tene su parada di carnaval door di miedo pa coronavirus



E aña aki Sittard mester a keda sin tene su desfile di carnaval. E gran parada ainda lo mester a pasa door di e ciudad aki di Limburg diadomingo, pero e desfile a wordo cancela un biaha mas. Tin un cantidad di cancelacion, principalmente door

di e miedo pa coronavirus, e comite organisador Optoch Kommittee Sittard despues di a informa den medionan regional. Sittard tin

dos parada di carnaval, Kenjeroptocht y Groote Optocht. Den e "paradanan aki di Vastelaove, generalmente tin rond di 30 mil persona na para banda di caminda. Luna pasa, e desfilenan a wordo cancela debi na e storm. Diadomingo ta mesun cos, pero pa motibo di e miedo di coronavirus. Mas di shen grupo chikito y grandi a registra pa e desfile conhunto, cu por lo menos mil participante en total.

Un grupo despues di e otro a bisa cu nan lo retira den e ultimo dianan. No tabata tin un desfile "digno di Sittart" cu e restonan, e fundaicon a bisa. "Simplemente ta sinti cu ya no ti apoyo. Bo mester ta realista al respecto, esey a haci cu nos a tuma e dedision aki. Si coronavirus no tabata eynan, lo tabata tin un desfile, bo por a conta riba esey," un vocero di e fundacion a bisa.



## Candela den edificio unda antes tawata Consulado di Venezuela



Diasabra marduga algo prome cu l'or polis a wordo avisa cu e edificio unda e Consulado Venezolano tawata lo ta na candela. Mesora patruyan ariba caya a dirigi nan mes pa e sitio.

Na yegada ya dos unidad di Brandweer tawata na e sitio, y por a mira cu loke tawata na candela ya a wordo paga.

Solamente huma tawata keda sali, pero di candela mes nada mas.

Loke nan a constata paden tawata sushi na candela, posiblemente cendi door di adictonan cu ta frecuente e luga.

Polis a tuma nota y a papia cu esnan encarga cu e edificio.



## Carolina di patruya "37" ta den noticia atrobe ela ser deteni burachi causando accidente na rotonde di Balashi!



Diadomingo mainta a drenta informe di un accidente na e rotonde banda di ex-Drive Inn, mesora a dirigi un patruya na e sitio. Na yegada di e patruya a bin compronde cu un dama chauffeur tabata bebi y riba un trip cu un amigo y un amigo mas. Polisnan a pidi pa e vehiculo di transporte di detenidonan y nan a trece warda di Polis na Shaba. Despues durante investigacion a resulta cu den e auto tabata tin dos hende mas mas cu no por a muestra

documentonan cu nan ta legal na Aruba. A detene ambos y pidi atrobe pa e vehiculo di transporte di detenidonan cu a presenta y asina hibanan tambe warda. Guarda Nos Costa lo sigui e proceso pa confirma nan status riba e isla. Segun fuente e dama deteni cu a causa e accidente ta e mesun dama cu a bira famoso via e caso di Patruya 37 na Noord. E biaha aki e ta den noticia cu foto y tur cos pero deteni pa causa accidente y bebi.





## Damanan di Arubus, Aruparking y Arutram a haya charla den coneccion cu celebracion di Dia di Hende Muher



Pa conmemora e lucha pa igualdad di genero, especialmente di e ser femenino, Arubus NV a organisa un charla pa su empleadanan. A trece hunto e personal femenino cu ta labora tanto na Arubus, pero tambe na Aruparking y Arutram, pa asina comparti un rato

ameno, den colegialidad y semper recordando e esencia, lucha y perseverancia di e hende muher den nos bida.

E atardi a cuminsa cu un charla duna pa sra. Nadine Antersijn di Momax Trainings & More, kende a enfoca riba e lucha cu e ser femenino a hiba durante decadanan pa haya un trato igual den comunidad, y con awendia nos por ta testigo di evolucion personal y profesional di e hende muher den tur ambito. Nadine ta un profesional y entrepreneur, cu tin un famia pa atende, y asina mes e ta mantene su negoshi y ta consciente cu su bienestar personal mester keda un prioridad. Tambe a conta cu presencia di sra. Desline Loefstok, cariñosamente conoci como Dess, kende ta un Make Up & Tattoo Artist profesional, cu na su 29 aña di edad ta doño di su mesun negoshi y na mes momento tin su casa y ta mama di 2 yiu muher. Dess a comparti su mesun storia como hende muher, pero tambe a duna guia di con e ser femenino mester duna tempo na su mes tur dia pa por mantene su mes como e pilar principal di su hogar.

Tabata un atardi sumamente ameno caminda e damanan di Arubus, Aruparking y Arutram a keda satisfecho di por a experiencia y comparti empoderamiento hunto.

### Italia:

## Dokternan ta propone limitenan di edad pa pashentnan nobo



E situacion encuanto coronavirus a bira asina extremo na Italia cu un asociacion Italiano di anestesia, analgesia, reanimacion y cuido intensivo ta propone establece un limite di edad pa personanan drenta den cuido intensivo. Ademá, personanan cu tin mas probabilidadnan di sobrevivi mester tin prioridad. "Por ta necesario establece un limite di edad pa accede na cuido intensivo," e documento ta señala. E asociacion ta considera e medida necesario "pa reserva recursonan cu por ta hopi schaars pa esnan cu tin mas probabilidadnan di sobrevivi na prome luga y por salba durante mas aña na segundo luga," e documento, di e asociacion Siaarti ta indica. Den practica, esaki ta nifica cu personanan hopi mayor por wordo cancela pasobra ya no tin espacio pa nan. E asociacion ta bisa cu e documento ta pretende di ta un manual di apoyo y pa

anestesiologo y dokter y nursenan di reanimacion cu tin cu traha den e emergencia aki. Segun Siaarti, e criterio bieu cu esnan cu bin prome mester wordo yuda prome debi na e situacion di emergencia extremo den cual e pais ta aden.

### Opinion

E problema ta cu e hospitalnan Italiano ya no por maneha e cantidad di pashentnan cu ta victima di coronavirus.

Por lo tanto, mester tuma decisionnan riba ken por y ken no por wordo yuda. Esey no solamente ta debi cu e cantidad di personanan infecta cu keho ta aumenta rapidamente, sino tambe pasobra tin hopi poco dokter, nurse y cama den e unidadnan di cuido intensivo. Henter e sistema di salud den e regionnan di nort di Italia di Lombardia, Veneto y Emilia-Romania ta den aumento. Ademá, hopi dokter y enfermero a wordo infecta cu coronavirus. Den e region di Lombardia den e parti nort di Italia, cu ta hopi mas afecta pa e virus, 12% di e personanan infecta ta dokter of enfermeronan. Por ehempel coronavirus a wordo diagnostica den dos proveedor di atencion medico den e departamento di dialysis di e Hospital San Raffaele di Milan.

E persoanan cu mas tabata tin mester a

wordo ingresa den cuido intensivo. Henter e departament mester a bay den cuarentena y tur e empleadonan di hospital a registra. A bin haya cu un total di setenta por ciento tabata infecta cu coronavirus Y despues nos a papia di e region di Lombardia cu ta conoce como un region di salud cu ta traha bon.

### Ehercito Italiano

Un decreto nobo di emergencia di e gobierno Italiano ta premira e adopcion di 5 mil dokter adicional, 10 mil enfermera adicional y 5 mil proveedor di atencion medico adicional.

Nan ta desesperadamente necesario E enfermeranan di ehercito Italiano tambe a wordo yama pa yuda.

Tambe lo bay tin mas cama di hospital pa departamentonan di cuido intensivo. Kende no ta realmente un caso urgente, ya no por yega eyan. Y si ta imposibel pone den cuarentena na cas, partinan di hotelnan por wordo uza pa e personanan aki. Casi 6 mil persona na Italia a haya coronavirus. E cantidad aki ta aumenta rapidamente tur dia. Diasabra, a anuncia cu a informa mas di mil caso di e enfermedad den un dia, incluyendo e secretario di e partido mas grandi di e gobierno Italiano PD. Nicola Zingaretti, y pa prome biaha un hende di e Ciudad di Vaticano. Te na e fecha 233 persona a fayece door di e coronavirus na Italia. Di un otro banda, 589 persona a wordo cura.





## Dos turista Canades di edad halto sinta den auto ta wak wega na veld di Kudawecha a ofrece mangel na mucha chikito pasando!

Diasabra atardi a drenta informe di cu 2 turista Canades di edad halto a ofrece un mucha mangel durante wega na veld di Kudawecha mesora a dirigi un patruya na e sitio. Na yegada di e patruya a topa cu un v-wagen cu 2 turista canades di edad halto cu a declara cu nan sa bin Aruba y sa bay wak wega sinta den auto pabao di e veld di Kudawecha y ora un mucha a pasa nan dilanti nan a ofrece e mucha mangel. Polis no a confia e asunto y a core cu e turistanan for di e sitio. Cu ki meta a ofrece e mucha mangel no ta conosi pero e mucha a haci bon di core bay cerca su famia y bisa locual a pasa!



## Trio a keda na pia despues cu polis a kita Nissan March for di nan



Diasabra marduga algo prome cu 1:30 informacion a drenta cu lo tin un auto coriendo malo y cu e lo ta yegando Citgo Boulevard.

Tawata trata di un Nissan March color blauw aqua, cu den dje tres ocupante. Patruya di Playa cu tawata cerca a logra stop e auto altura di parada di bus grandi.

Mesora agentenan a bay atende cu e chauffeur cu ta un dama.

A splike un ke otro y lage pasa e test di alcohol.

Usando e Alco-sensor a lage supla, peo e test a sali ok.

Pero asina mes por a obseba cu e dama ta bou influencia di algo. Y pa nan propio seguridad y di otronan ariba carretera a kita e auto y hibe warda di Playa.

E dama y su dos amigonan a keda na pia, y lo mester a haci algun yamada pa haya lift.



## Parlamentario Endy Croes: Segun Benny terenonan ta di WEB caba Benny Avestruz no ta compronde e diferencia entre erfpacht y eigendoms grond



Parlamentario Endy Croes por a tuma nota di un artíkel cu Benny Avestruz Sevinger a publica recientemente al respecto WEB. Textualmente Benny a skirbi "ta bon pa musta aki cu e terenonan aki ta di WEB Aruba NV caba, nan ta pagando grondbelasting añanan largo caba pero gobierno di Evelyn kier pa WEB cumpra e tereno aki for di gobierno pa asina e por haña 17 miyon florin". Parlamentario Endy Croes a desmenti e forma cu Benny ta trese esaki dilanti

totalmente. Alabes esaki ta un muestra cu Benny Avestruz Sevinger kende pa 8 aña tabata e minister encarga cu tereno y kende ta e sospechoso mayor actualmente riba e investigacion cu ta andando riba fraude y corrupcion m i y o n a r i o hustamente riba tereno, no ta compronde ni

domina un pataraca riba asunto di tereno. Un tereno duna den erfpacht via un erfpachtvereenkomst ta keda di gobierno y esun di WEB almomento no ta difente. Pues con Benny por conclui cu e tereno ta di WEB caba ta incomprendibel. Of e kier plee "bobo" of e ta un "bobo"? Benny no ta jegando trabou y como prueba awe nos ta publica postbus di Benny Sevinger na Parlamento ilustrando cu e no ta

ni pasa buska su documentonan. Pesey e ta papia disparate den su conferencianan di prensa y kere cu ainda tin hende ta kere lokual e ta bisa. Corda ta mesun benny aki a grita cu "I dont give a damn! Un tereno erfpacht ta keda un tereno di gobierno cual gobierno mediante un "erfpachtvereenkomst" ta jega na acuerdo cu e ciudadano of un negoshi (comercieel) esta si e erfpacht ta wordo duna comercieel pa un x cantidad di aña por usa e tereno ey y e tereno ey ta keda di gobierno. Erfpacht (lease land) den terminologia di accountant ta wordo categorisa como rent expenses. Sinembargo eigendomsgrond (property land) ta un assets. Por a tuma nota cu Benny Sevinger no ta reconose e diferencia y awor nos por compronde mihor e desaster cu el a causa manehando e cartera aki. Benny Avestruz ta gaña totalmente momento el a bisa cu WEB lo cumpra e terenonan pa 17 miyon. Gobierno a inicia

un proceso cu Hulanda tambe a pasa aden hopi aña pasa unda ta brinda oportunidad pa companianan estatal, Negoshinan, cuidadanonan cumpra e erfpacht unda esaki lo bira eigendomsgrond. A inicia cu e companianan estatal di cual WEB ta un di nan y tur hunto cu a opta pa cumpra nan tereno combirtiendo esaki di un erfpacht pa eigendomsgrond lo produci minimo 17 miyon den 2020. Pues e storia cu ta WEB so lo paga 17 miyon atrobe ta bin di un politica putri di Mike Eman, Benny y AVP. Pueblo tabata na tempo pa core malamente cu esnan di AVP cu a horta e pais aki malamente y poko poko pero sigur ta bin sali afor banda cu nan a crea un Mega Debe y laga un desaster atras, cu nan no tabata apto pa compronde e materia y maneha nos pais.

Laga nos hasi un compromiso pa nunca pero nunca mas e hendenan aki bini bek na poder.

**89.50** AFL  
RETAIL PRICES 129.50

**WHEEL 3D ALIGNMENT**

📍 PONTON 71  
📍 LG SMITH BLVD 114  
☎ 744.59.07

**TRAINED STAFF**  
ASIA, EUROPE, AFRICA

**PUNCTUALITY AND GUARANTEE**  
EQUIPPED WORKSHOP

**DUNLOP** **PIRELLI** **MOMO tires** **HANKOOK**



## Booshi Wever di UPP:

# FALTA DI TRANSPARENCIA Y UN MANEHO DEDICA NA PRIVILEGIA AMIGONAN TIN PRIORIDAD RIBA DRECHA RWZI

Nos suplica skirbi den diferente articulo pa atende cu urgencia RWZI na Bubali probablemente a haya oido. Minister Lopez-Tromp diplomaticamente a haci mencion di e hecho cu e minister anterior Otmar Oduber tabata na altura di e situacion deplorable y cu el'a trata na yega na fondo pa remedia esaki. UPP ta sin embargo di opinion cu Otmar Oduber deliberadamente a SCOGE pa no haci nada, pasobra dicen no a actua cu e mesun diligencia manera a sosode cu Serlimar na unda "the sky was the limit"? UPP tin e impresion cu su intencion tabata pa laga e situacion deteriora pa e por comete actonan corruptivo djis pa privilegia atrobe un amigo/sponsor di dje. Ta parce cu un biaha mas e Scorpion aki ta "get away with crime", envez di condena e hecho cu Otmar Oduber a comete un crimen contra nos pais Aruba door di laga nos Pueblo y nos economia y nos Medio Ambiente core un riesgo hopi grandi.

Desde fin di 2018 UPP a bin ta muestra riba esaki, pero un biaha mas e gobierno POREDmep a sinta man cruza laga e Scorpion haci y deshaci. Mientras nos Parlamento "otro" tambe a laga cos pasa. Manera UPP a bisa varios biaha caba, cu ni e gobierno ni e Parlamento "otro"(21) no ta interesa den e bienestar di nos pueblo, pero nan interes ta pa tene e gobierno aki na bida sin importa kico esaki lo por a causa nos pueblo.

No por ta asina cu ta parce cu Parlamento, CAFT, Gobierno POREDmep, ARA y Ministerio Publico tin tur documentonan relaciona cu e corrupcion di dia cla cometi door di Otmar Oduber aki y ta haci comosifera nada un pasa. Ta p'esey UPP awe ta cuminsa publica e documentonan al respecto, pa poco poco pueblo mes por huzga con y kendenan a colabora den henter e asunto di corrupcion di e incinerator chikito.

Dia 19 di September 2018, e director di DOW ta manda un carta di "auxilio" pa e minister corrupto Otmar Oduber na unda e ta notifica Otmar cu e situacion na e RWZI-nan ta MEGA-urgente. Ora cu nos a kere cu Otmar Oduber lo a haci uso di e "restfonds" di FDA pa financia e restauracion (parcial) di e RWZI na Bubali, Otmar a scoge pa cuminsa cu su hazañanan pa comete actonan bisto di corrupcion pa asina ey, e privilegia su amigo/sponsor. Pa Otmar Oduber por a comete e corrupcion aki, el'a haya colaboracion 100% di e director di DOW, señor Marlon Croes. Envez cu Marlon Croes como Arubiano para ariba cu e situacion di e RWZI-nan ta urgente el'a SCOGE pa baila riba e tononan di e Scorpion. Y UPP a compronde cu te hasta tin correspondencia interno di DOW

cu a conseha e director pa para riba cu e situacion di e RWZI-nan no por warda mas.

E documentonan cu UPP a mandapaMinisterioPublico y pa otronan ta prueba cu e director di DOW a yuda e minister grandemente den e corrupcion aki. E ex-minister Oduber a haya sosten completo di e consejo di minister pa e por a comete e corrupcion aki obviamente tambe.

Y awor "doodleuk" ta bay cuminsa cu e trabaonan riba e RWZI-nan sin haci ningun investigacion pa e simpel motibo pa laga tanto e minister como e director di DOW y e ex-director di Serlimar "get-away". Y pa colmo, envez di a condena e corrupcion aki, ta haci tur cos pa tapa esaki. Aparte di e trabaonan riba e RWZI, e mesun director ta saca un "bestek" pa un destaho bao man pa compra pa e "springlesystem" pa e incinerator chikito cu keto bay NO ta funciona.

By the way, cu esaki e corrupcion ta bira mas bisto. Den e oferta di e otro compania local e "springlesystem" ta inclui!! Pues nan ta mas barata ainda. Kico e minister nobo ta bay haci cu esaki? Djis cera wowo y laga e corrupcion sigui su rumbo? A core cera un acuerdo cu un otro compania local atrobe sin ningun clase di destaho cual ta degrada Serlimar enormemente y cu lo significa cu e "Sangramento" di e patrimonio di pueblo aki bolbe mira luz di dia. Un sangramento cu e gobierno di MEP di e tempo ey, esta na fin di 2001 te cu fin di 2009, a para. Ta permiti pa Serlimar "sangra" atrobe djis pa mantene e gobierno POREDmep na bida.



UPP ta reitira cu sin un investigacion financiero y forensico den Serlimar y den e caso aki den DOW, e fiesta lo continua.

Mester saca tur e puito for di e macuto na unda e corrupcionnan, conflictonan di interes etc. etc. mester mira luz di dia!



**ABONA CUMpra LESa**  
BO CORANT SOLO DI PUEBLO



**dushi vibe**  
— FEST —

**Y GANA BO ENTRADA PA**  
CONCIERTO DI  
**DADDY YANKEE**  
EL ALFA | FRANCY | PEDRO ALONSO

MAINOFFICE  
L.G. SMITH BLVD 116  
LOKAAL 5 - 12

297 566.9117 | [www.dushivibefest.com](http://www.dushivibefest.com)





# AUTO A PEGA NA CANDELA NA SANTA MARTHA



Tabata algun minuut prome cu 2'or di merdia caminda cu un dama chauffeur tabata manehando un Range Rover color preto riba e caminda di Santa Marta. Den careda algo a bay fout; no ta conoci kico

por a causa cu e Rover preto numera A-34500 a pega candela. Daño material tabata basta, e parti dilanti di e auto a kima por completo. Hood, luz y motor por bisa cu a kima casi por completo. Parti

paden a keda manera un buskuchi di soda, sienta, dashboard y mucho mas a ricibi daño. E Rover ta un modelo basta antigua. E dama chauffeur no tabata herida.

## DOS DIFERENTE CHAUFFEUR DETENI, DURANTE CU POLIS TAWATA TIN CAMINDA CERA



Tanki Leendert - Diadomingo marduga momento cu polisnan tawata tin e rotonde di Tanki Leendert cera, debi cu tawata atendiendo un accidente a haya nan mes ta bay atende cu otro dos vehiculo.

Loke sa sosode varios biaha y esaki a pasa diadomingo marduga tambe ta

cu ora tin accidente polis ta cende su zwaailicht y ta pone e auto un manera unda cu trafico no por sigui. E biaha aki dos diferente chauffeur a bay purba nan suerte.

Polisnan tawata bezig cu un brommer cu a accidenta na e rotonde di Tanki Leendert.

Prome auto tawata un taxi, un Toyota Prado cu un cabayero na stuur y un dama sinta na banda.

E taxista no a worry cu e caminda ta cera y bay pasa toch. Aki ta unda cu polisnan a stop e y a bay atende cune y por a mira/hole cu e ta bebi. Agentenan a sigui protocol y laga supla usando e asina yama Alco-sensor.

Manera nan a sospecha, e taxista a surpasa e limite stipula pa ley y mesora ela wordo bisa su derechonan y a bay over na detene.

Algun minuut despues, tawata un otro auto cu aunke ta mira cu polis tin e caminda cera toch ta purba y/of forsa pasa. Wel, agentenan a bay atende r biaha aki cu un dama chauffeur. A resulta cu e dama aki tambe tawata coriendo



auto bou influencia di alcohol.

Pues e tambe mester a supla y a pasa e limite stipula. Ela wordo deteni y e tambe a wordo hiba warda di Playa.

Tanten cu no bin ley(nan)

mas estricto pa chauffeurnan coriendo auto bou influencia(burachi), polisnan lo keda hayanan confronta di dia y anochi cu e hendenan aki. Cu ta un menasa serio pa otro chauffeurnan inocente ariba caminda.



# “STIMAMI STERILISAMI TA ELIMINA SUFRIMENTO DI BESTIA Y TA SCAPA NAN BIDA”

Posibilidad pa 50% di descuento cu e programa subsidia di Fundacion Stimami Sterilisami

A crea e fundacion “Stimami Sterilisami” pa disminui e sufrimento di e tantisimo animalnan bandona y perdi, door di ofrece subsidio pa e procedura di sterilisacion pa tanto publico en general como tambe organisacionnan di boluntarionan cu ta cuida bestianan di cas of riba caya por haci uso di dje. Esaki ta danki na colaboracion di sponsornan manera Bucuti & Tara Beach Resort, Aruba Tourism Authority y otronan cu a haci un diferencia. Por ehempel desde 2016, Bucuti & Tara Beach Resort a duna te cu awor mas di un miyon dollar pa “Stimami Sterilisami”, loke ta traduci den un total di 12.000 operacion di cacho y pushi.

Despues di un re-organisacion y restructuracion di e fundacion na juni 2019, Fundacion Stimami Sterilisami a keda lanta oficialmente via notario pa haya e capacidad di sirbi e comunidad mihor y pa por recauda fondonan externo pa yuda den e trabou. Desde 1 di juli 2019, e Fundacion Stimami Sterilisami a ricibi contribucion di Aruba Tourism Authority, cu ta keda iguala den un 100% dollar pa dollar pa Bucuti & Tara Beach Resort. E resultado di e colaboracion aki a permiti e fundacion pa castra y sterilisa entre 5.000 pa 6.000 pushi y cacho exitosamente den e periodo di 2019 pa

2020 cu participacion di tur veterinario na Aruba. E publico en general y e organizacionnan di boluntarionan ta utiliza e programa pa sterilisa nan mascota y ta ricibi 50% di descuento riba tur procedura incluyendo inmunizacion y un microchip.

Cualquier persona cu e necesidad di sterilisa su cacho of pushi por proba di e programa aki door di registra nan mascota na [www.stimamisterialisami.com](http://www.stimamisterialisami.com) pa nan ricibi un number di registracion. Cu e number ey por haci un afspraak na cualquier veterinario na Aruba y bin na remarca pa ricibi e 50% di descuento. Prijsnan special pa operacion pa fundacionnan voluntario y pa esnan registra riba e website ta:

- Cacho hembra 150 florin
- Cacho macho 85 florin
- Pushi hembra 80 florin
- Pushi homber 35 florin

E prijs tambe ta inclui e microchip, inyeccion di e chip y un test di sanger pa sigura cu e mascota ta suficiente saludabel pa e opera-



cion. E pushi of cacho mester ta suficiente bieu pa opera y mester ta di bon salud. Fundacion Stimami Sterilisami kier a proba di e oportunidad pa gradici tur esnan cu ta haci un diferencia den e esfuersonan pa baha e cantidad di bestianan bandona riba caya. Nos meta ta pa elimina por completo e sufrimento di e bestianan aki y haci nos isla uno realmente feliz pa e bestianan tambe. Un danki special ta bai pa e generosidad di Aruba Tourism Authority, tur otro sponsor como tambe e dedicacion di tanto e boluntarionan como nos veterinarianan. Pa mas informacion acudi na [www.stimamisterialisami.com](http://www.stimamisterialisami.com)

## CUMpra UN BIYETE DI LOTERIA DEN E TIENDA CAMINDA E TA TRaha Y E TA GANA 52 MIYON DI DOLLAR



Un hoben empleado di un supermercado di Quebec (Canada) a cumpra un biyete di loteria den e tienda caminda cu e tabata traha y a resulta ganado di 70 miyon di dollar Canades (cerca di 52 miyon di dollar), medionan local a informa. Ora cu Gregory Mathieu

di 22 aña a yega su trabao diaranson pasa, un di e prome cosnan cu el a haci ta revisa e resultado di e sorteo y a haya e gran sorpresa ora cu el a descubri cu e tabata tin e combinacion ganado. Un di e compañeronan di trabao di e hoben ta sigura cu esaki a drenta den es-

tado di shock ora el a haya sa cu el a bay cu e premio gordo. E tabata tembla y tabata yora di emocion, pa cual su tata mester a busk'e y hib'e cas. E miyonario mobo a indica cu e lo comparit e premio gordo cu su mama y otro seis miembro di e familia.

"Nos lo mantene nos mes uni. Mi sa cu placa no ta cumpra felicidad. Pero

famia si ta trece felicidad," Mathieu a expresa

### WASTE HANDLING CLEANING SERVICES

10FT



20FT



30FT



**PRIJS DI BAKI:**  
**150-175-200-250**

\*PRIJS TA DEPENDE DI KI TIPO DI SUSHI

**YAMANOS NA:**  
**560 3500 OF 563 4201**





# E DETENCION DI RONALDINHO NA PARAGUAY CU UN PASPOORT FALSO A PROVOCA UN AVALANCHA DI MEME

E exfutbolista Brasileño Ronaldinho Gaúcho y su ruman homber Roberto, a provoca un gran polémica ora nan a wordo deteni na Paraguay despues di a drenta den e pais aki cu paspoortnan falsifica.

Despues di a filtra iagen di e documento adultera di e antiguo deportista aki, e usuario riba rednan social no a stop di pasa e oportunidad y a crea un avalancha di meme.

Otro personanan a haci joke riba e nacionalidad di Ronaldinho y a tuma como referencia escenanan di e serie anima "The

Simpsons."

Ministerio Público di Paraguay a comunica cu e rumannan De Assis Moreira a bandona Sao Paulo cu documentonan di Brasil, pero ai ngrasa den e pais bisña via e aeropuerto Internacional di Asunción cu paspoortnan Paraguayo falsifica cu e empresario Brasileño Wilmondes Sous Lira a proporciona nan.

Ronaldinho a biaha pa Paraguay pa asisti na e presentacion di un programa di un fundacion benefico y promociona su buki "Genio di bida."



## MURRAY APUNTA PA BOLBE HUNGA DEN MIAMI OPEN

E ex number uno di mundo, Andy Murray ta wordo apunta pa bolbe hunga den e Miami Open fin di maart, tras di completa su rehabilitacion di un lesion di heup. E .....

Britanico di 32 aña a perde e Australian Open na januari debi na un lesion pelvico sufri den e fase final di Copa Davis na november y despues a retira di e torneo-

di Montpellier y Rotterdam luna pasa.

"A corto plazo, mi ta entrenando pa purba pa preparami pa Miami", Murray a bisa na Amazon Prime Video.

"Mi a haci asina hopi rehabilitacion e ultimo lunanan cu, den terminonan di forsa, tur e musculonan rond di e heup ta fucionando bon.

Ta solamente cu mi no a hunga tennis." Murray,


kende a recupera di un cirugía di heup na principio di aña pasa pa gana e titulo di Amberes na october, a hunga solamente un partido pa Gran Britania den e fase final di e Copa Davis, prome cu el a keda afo.

Miami Open, un Masters 1000, ta cuminsa dia 23 di maart.



### Asadero San Cristobal na Sta Cruz

Tur merdia cuminda cayente...



Pica Pollo - Medio Pollo y  
hopi cuminda mas

PA PEDIDOS

Tel. 566-0319

Whatsapp Cel. 566-0319

Habri te nochí..

**DELIVERY FREE**

**PEDIDO**

**TEL: 5684160**

**TA BENDE AWA DI COCO FRESCO**

**ZETA DI COCO - COCADA - LEMON JUICE**

**TAMARIJN - ORANGE JUICE - SORSACA**

**ALOE VERA JUICE**

TA BENDE NAN 1.5 LITER OF NA 20 ONS DEN BOTTER.





## Gran Premio di Bahrein ta suspende benta di entrada door di coronavirus

E organisadornan di e Gran Premio di Bahrein a suspende benta di entrada pa e careda di Formula Uno programa pa e luna aki mientras cu e organisadornan ta evalua cuanto espectador por asisti memey di e brote di coronavirus.

Un vocero di e Circuito Internacional di Bahrein a bisa cu, dependiendo di e desaroyo di e tema, por ofrece reembolso of pone na benta mas ticket. "Dependiendo di e cantidad final cu noms yega

encuanto e capacidad (di publico)... nos por saca ticketnan nobo na benta," e organizacion di e evento a sostene, cu no tabata kier a comenta e posibilidad cu e careda di dia 22 di maart na Sakhir por tuma luga sin espectador.

E Gran Premio di Bahrein, e di dos careda di e temporada di F1 despues cu e lo disputa otro siman na Melvourne, a uni na e calender na 2004 y actualmente ta tuma luga anochi.



## CORTE EUROPEO DI DERECHONAN HUMANO TA DESESTIMA APELACION DI PLATINI PA SANCION DEN FUTBOL

E expresidente di UEFA Michel Platini a perde su apelacion dilanti Corte Europeo di Derechonan Humano contra su sancion di cuater aña pa traha

den futbol.

Corte a anuncia diahuebs cu un panel di shete miembro a rechasa e solicitud di Platini contra e fayto di 2015 emiti pa FIFA y sos-



na futbol hunto cu e expresidente di FIFA Joseph Blatter.

Ambos a nenga di a actual malo. E sancion tabata pa un pago di 2 milyon di Franco Suiso cu FIFA a haci na e Frances na 2011

cu e aprobacion di Blatter pa un trabao realisa un decada prome.

E suspension di Platini a reduci na cuater aña tras un apelacion ante e Corte di Arbitrahe di Deporte (TAS).

## TA BENDE



### HOTFOOD STATION

Di 110V 4meter Largo y 1 meter Hancho  
Pa afl 2000,00 or best offer  
Pa mas info yama

tene cu su derechonan humano no a wordo viola.

"Teniendo na cuenta e graedad di e irregularidad, e alto cargo di señor Platini den e organonan gobernante di futbol y e necesidad di restaura e reputacion di e deporte y di FIFA, e sancion parce no tabata excesivo of arbitrario," Tribunal di Strasbourg a bisa den un comunicado.

FIFA a prohibi Platini traha durante ocho aña den cualkier actividad liga

### PUEBLO A HAÑA SU PEN BEK

Pa kualkier informacion  
solodipueblo@gmail.com  
of  
585-9500

## WASTE HANDLING CLEANING SERVICES

### SCEPTIC TANK (7 CUBE)

PRIJS SPECIAL  
AWG 75,-



YAMANOS NA:  
560 3500 OF 563 4201





## ORGANISADORNAN TA CANCELA E CAREDA CLASICO CICLISTICO MILAN-SAN REMO PA TEMOR RIBA CORONAVIRUS

E organisadornan di e clasico careda ciclistico di un dia Milan-San Remo a anuncia diabierna su cancelacion, mescos cu otro dos pruebanan na Italia, e pais mas afecta na Europa door di e brote di coronavirus.

"Tras e confirmacion di parti di autoridadnan destaca cu no por garantiza e autorisacionnan pertinente, RCS Sport ta anuncia e cancelacion riba su fechanan original di e careda ciclistico Tirreno-Adriatico, premira pa dia 11-17 di maart," e empresa organisador a bisa den un comunicado.

"Tambe (...) pa garantiza e salvaguardia di salud publico y e seguridad di tur e personanan implica, RCS Sport a dicidi pa cancela Milan-San Remo, programa pa dia 21 di maart y e Giro di Sicil-

ia, programa pa dia 1 pa dia 4 di april," el a agrega.

Milan-San Remo ta un di e cinco principal clasiconan na nivel mundial, hunto cu Paris Roubaix, Tour de Flandes, Tour de Lombardie y Leija-Bastogne-Leija.

RCS, cu ya a cancela prome e Strade Bianche di diasabra, a añadi cu lo pidi e Union Ciclista Internacional (UCI) na busca fechanan nobo pa e caredanan den duda.


Tabata tin mas di 3 mil caso di coronavirus y mas di 100 morto na Italia pa coronavirus y



un decreto gubernamental a indica diaranson cu e eventonan

deportivo mester tuma luga sin aficionado.

**26 APRIL 2020**




**BO TA CLAP KING OF THE SKY**

CATEGORIA: OPEN CLASS  
SIZE: 2.5 M - 3 M  
9:00 AM - 8:00 PM

FLI DI LUZ  
SIZE: 1 M - 2.5 M  
8:00 PM - 12:00 AM

INSCRIPCION: 18 MAART 6:00-9:00 PM NA VELO DI ECU



## KARATE GROUP ARUBA TA CUMINZA CU LES PA GRUPO DI GRANDINAN

Trece bo wela, bo mama, bo tanta o bo tata



Awe dialuna Karate Group Aruba ta cuminza cu les pa nos grandinan. Por bin inscribi pa asina cuminza cu nos lesnan lo ta riba dialuna y diarashon 7:15 pa 8:30 bin y forma parti di nos grupo di grandinan y

siña un tiki mas y prepara bo mes físicamente y keda saludable asina nos por keda fit semper. Pa mas info yama nos 5604081 pa asina forma parti, bin trece bo tata mama wela welo tanta tur cu kier hasi

algo extra y keda fit cu nos. Pa tur esunan cu ya a inscribi nos lo topa cu boso awe nochi. Welcome na tur ban keda fit cu fit karate group aruba

Nos tei pa yudabo semper





# Awa di pepino pa e retencion di likido: beneficianan y receta



E retencion di likido ta un problema relativamente frecuente den actualidad. E ta defini basicamente como un trastorno inflamatorio cu ta tuma lugara ora cu e curpa no ta logra elimina e likidonan correctamente.

Esakinan ta caba den acumula den e tehidonan y ta produci hinchason. Lo mas habitual ta cu e inflamacion ocasiona pa e retencion di likido ta manifesta den e pianan. Sin embargo, tambe por sosode den cualkier otro parti di e curpa. Esaki ta agrega varios liber di peso, aunke di manera temporal.

Pepino a demostra di ta un berdura capas di contribui den e alivio di e problema aki. Apesar di esaki, riba su mes no ta logra combati totalmente e retencion di likido.

Mester haci ahuste den e dieta y den e estilo di bida pa logra efectonan a largo plazo. Semper ta conveniente, den tur caso, consulta cu dokter.

E retencion di likido

E retencion di likido sa manifesta cu hinchason di e extremidadnan inferior; ademá, tin biaha ta manifestá cu cambianan den e miccion.

E curpa di un adulto ta componi den su mayoria door di awa. E substancia aki ta conforma entre 50 y 60% di e organismo y ta distribui den e interior y exterior di e celnan.

E organismo ta conta cu varios mecanismo pa regula dicho cantidad di likido. Ora cu e mecanismonan aki faya, ta produci un acumulacion anormal di likido den e tehidonan.

Esaki por presenta su so den un zona específico of tambe, den henter e curpa. Loke ta mas frecuente ta cu por bin hinchason den e pia y enkelnan.

Tambe por presenta aumento di e contorno abdominal y disminucion di e miccion.

E retencion di likido por ta patológico of no patológico. Den e prome caso ta obedece na e problemanan circulatorio, enfermedadnan renal y hepático, of insuficiencia cardíaco.



Den e di dos caso ta debi na un dilatacio di e venan, pa e efecto di e calor ambiental.

Propiedadnan di e pepino  
Pepino ta un diurético natural y un fuente inagotabel di awa y potasium. E tin propiedadnan grandi depurativo y tambe actua como laxante.

P'esey e ta yuda na elimina e inflamacion di pia, enkel y mannan ocasiona pa e retencion di likido.

E maravioso berdura aki tambe ta rico den salnan mineral. Ademá di un concentracion halto di potasium, tambe e ta contene hero, calcium, fosforus y magnesium.

Tambe, e ta concentra cantidadnan significante di vitamina C, cu ta reforsa e sistema inmunitario, ta contribui den combati e radicalnan liber y ta preveni embebecimento.

Riba dje, pepino tambe ta contene un importante enzima yama erepsina. Esaki ta yuda probecha miho e proteinanan.

Ademá, ta trata di un alimento hopi abao den calorí y p'esey ta usual cu ta recomenda den tur dieta.

Awa di pepino y e retencion di likido

diano y cortanan na wíel, cu casca cu tur.

- Despues ponenan den un container cu un liter di awa.

- Lag'e reposa pa mas of menos tres ora y despues consumi cada biha cu bo tin sed. Ideal ta pa bo tuma dos liter pa dia, si present retencion di likido.

- Si bo kier, agrega un poco mas di sabor y di potencia, bo por añañi juice di un lamunchi mediana y un cuchara di ginger raspa.

- Laga e mescla reposa pa tres ora den frigidaire. Despues col'e y bebe durante henter e dia.

Otro datonan di interes

Pepino, den tur su presentacionnan, ta actua como diurético. E awa di pepino ta un di e formanan mas agradabel y continuo di ingeri, pero no e unico.

Tambe bo por com'e den un bon salada cu yoghurt y knoflok. E dos elementonan aki ta potencia su accion antioxidante.

Si bo ta un di e personanan golos kende ta gusta piki aki y aya henter dia, bo por traha snacksnan excelente cu pepino.

Combin'e cu tomati of keshi raspa. Pon'e un minuut den forno y lo bo tin un excelente pasaboca.

Of simplemente come e wíelnan curu. Di cualkier manera, pa remedia e retencion di likido lo miho ta introduci cambianan importante den bo dieta y den bo estilo di bida.

Si no ta epoca di calor, den tur otro caso, ta cumbini consulta cu dokter. E problema aki por ta señal di algo mas serio.

Pa su efecto diurético pepino ta un di e miho aliadonan pa combati e retencion di likido. Ademá, e ta haci un aporte "extra" di nutriente na e organismo. E awa di pepino ta idal pa combati e retencion di likido. E ta especialmente indica pa e personanan cu no gusta awa mineral.

Pepino ta aporta un sabor suave, ademá di algun nutriente importante. E bebida aki ta resulta di ta un bon reemplazo di refresco of otro bebidanan cu poco ta aporta na bo.

Instruccion:

- Simplemente bo mester coy dos pepino me-



# SANTA ROSA CU TIPS CON PA APORTA NA REFORESTACION DI NOS MATANAN LOCAL

Un poco di historia:

Na 1975, e Seccion di Reforestacion di Servicio Veterinario a muda di e cunucu Santa Rosa na Wayaca pa su localidad actual na Piedra Plat. E tempo ey, e seccion a traha fahanan pa controla erosion ariba ceru y damnan pa tene awa den rooi rond di MiraLaMar, Parke Nacional Arikok. E fahanan e seccion a usa pa planta mata den bari na 15 m di otro. Regularmente trucknan di awa te dos aña despues a muha nan. Un porcenta chikito di nan a bira palonan grandi di cual, e Kwihi tabata esun cu a resalta. No ta nada straño si hende sa cu Kwihi ta un mata cu por crece ariba tera pober. Desde prome di Januari 1976, e seccion a bira Departamento di Agricultura, Cria y Pesca (DLVV) cu e responsabilidad di sostene y di promociona e Sector Primario di Aruba. Alavez, e Departamento, conoci awe como Santa Rosa, a sigui promove plantacion di mata local pa jardin di cas y area publico. Eventualmente Gobierno mediante e Departamento, a boga pa instalacion di e parke cu a logra bira un realidad na 2000.

Proposito y beneficijan di reforestacion:

Durante e existencia di e departamento, e iniciativanan pa reforestacion a sigui surgi, pero lamentablemente, ningun no a resulta den un bosque tropico. Actualmente tin un interes grandi cu a surgi for di nos comunidad y DLVV Santa Rosa, ta conseha y coopera cu iniciativanan particular cu ta peticiona, pa DLVV Santa Rosa por comparti e lista di matanan apto pa wordo planta y incorpora den cualkier projecto di reforestacion. Mester remarca cu DLVV no tin un lista specifico di matanan local cu ta wordo promociona pa ser planta, per mas bien DLVV Santa Rosa ta reconoce e importancia di tur mata local cu di un forma of otro por contribui na bienestar di e flora y muy especialmente e fauna di Aruba. Palonan por tin un preferencia pasobra pa medio di nan biomasa mas grandi, por ofrece mas na e fauna local. Ademas DLVV Santa Rosa su experto encarga cu e Seccion di Naturaleza, no ta mira e necesidad di traha cu un lista specifico ya cu



tin literatura, manera e buki di Sr. De Freitas publica na 1996, ta duna un amplio descripcion di tal mata y palonan. Es mas, DLVV Santa Rosa ta recomenda pa si tin un espacio di por lo menos 25 m<sup>2</sup>, pa cerca esaki pa protection contra herbivoronan. Cierta situacion delicado cu nos naturaleza mester enfrenta ta matanan invasivo manera Neem cual ta un mata toxico pa otro matanan y cual ta recomendabel pa wordo elimina. Un aspecto importante pa aporta na e desaroyo di nos flora, ta pa laga naturalesa mes tuma encargo di kiko lo crece. E parti interesante y ventahoso di e strategia aki ta, cu por ricibi datos di e sortonan di mata of palo cu lo sobrevivi e Cambio Climatico.

Por ripara, cu den Caribe ya caba esaki a aumenta e severidad di segura cu 15 pa 17% y su extento espacial 7% abou di segura breve y 20% abou di segura severo, (Herrera et al, 2018). Aruba lo cay abou di esun di 20%. Si un persona ta desea berde instante den su cura of tereno, DLVV ta conseha pa pega un trankera di Cadushi,

simembargo mester tene cuenta cu e Cadushi ta menciona den e Landsbesluit bescherming inheemse flora en fauna, mira [www.gobierno.aw](http://www.gobierno.aw), ariba cua articulo 6 lid 2 di e Natuurbeschermingsverordening ta aplicabel.

Con pa planta y mantene e matanan local:

Pa por hana mas mata pa replanta na fin di segura por stek y pega ariba otro anto e mes lo coy rais y sigui crece. Tur otro strategia lo encera:

Collecion y almenacion di simiya di mata local, nan siembra, mantencion den un contenedor te cu nan ta apto pa planta, seleccion di area di plantacion, cobamento di buraco of construccion di un baki, planta y dunanan bon awa y planta na mas cu 3 m di otro, mester iriga e matanan semanalmente pa dos aña largo. Na Aruba, awa ta yobe poco y e otro fuentenan ta mas caro atrobe y scars, pero por semper opta pa busca awa di dam of usa awa condensa colecta for di aircu.

E idea di reforestacion ta cu hende ta salta e sucescion natural di


un vegetacion y di biaha por yega na loke ta esun climax. Sinembargo den conservacion ta asina cu ariba su mes caba tin poco conocimiento na Aruba di cua lo tabata e vegetacion climax di Aruba, aunke e Brazil, Hameatoxylon brasiletto lo ta un bon candidato. Importante ta pa realisa cu esey tabata den pasado pero no necesariamente e mesun resultado pa futuro, pa motibo di e cambio climatico y e hecho cu na Aruba a urbanisa e paisahe.

Mas informacion por tuma contacto cu Ing. Facundo Franken, Chef Afdeling Natuur & Landschap na DLVV via 5858102 of via mail na [info@santarosa.aw](mailto:info@santarosa.aw)

**PUEBLO A HAÑA SU  
PEN BEK**

Pa kualkier informacion  
[solodipueblo@gmail.com](mailto:solodipueblo@gmail.com)  
of  
**585-9500**





## ***Muhe Prominente***

E ta prome cu ta lanta mainta y  
ta ultimo cu ta subi su cama anochi.  
Durante dia, ta traha duro pa su famia,  
Hopi biaha e ta laga su mes na ultimo luga,  
basta cu su famia ta comodo sin falta di nada.

Muhe mas moderno ta traha duro  
riba su estudio, su carera y su profesion,  
na banda di su obligacionnan domestico.  
Ta mantene su mes mas impecabel posibel,  
pa tur caminda e ta bon representa.

Den nos comunidad nos por wak cu hende  
muhe ta hunga un rol hopi importante,  
paso nos hende muhenan ta na cabes di hopi instancia,  
departamento of organisacion y tambe di nos pais.  
Kiermen, cu nan a demostra di ta bon den nan funcion.

Den diferente hogarnan e hende muhe ta mama y tata  
cu ta lucha tur dia di nobo na bienestar di e yiunan,  
p'esey dia cu nan wowo cera pa semper  
e perdida ta grandi y e dolo ta imenso.  
Dama nos ta di gran bendicion riba e mundo aki,  
sea orguyoso di ta un hende muhe.

Feliz dia Internacional di Hende Muhe.

Autor: Ariana M Koolman-Chirino



# Sopi di Letranan

+Aleluya  
+Resurrección  
+Amanecer  
+Mujeres  
+Magdalena  
+María  
+Pedro  
+Juan  
+Paz  
+Discípulos  
+Alegria  
+Encuentro  
+Camino  
+Emails  
+Pastor  
+Amigos  
+Espíritu  
+Ascensión  
+Pentecostés  
+Lenguas  
+Fuego  
+Anuncio  
+Amáos  
+Viento

A	L	E	L	U	Y	A	T	G	I	A	O	L	K	V	R
S	S	I	G	T	C	A	S	J	H	N	G	I	U	O	K
D	V	R	S	A	U	G	N	E	L	U	J	U	A	N	M
A	D	K	J	M	F	V	N	R	B	N	B	M	F	D	M
S	Y	U	C	A	M	I	N	O	G	C	E	P	W	V	V
C	R	E	R	O	E	J	I	T	H	I	T	E	O	C	M
E	D	R	T	S	Q	Ñ	U	S	D	O	U	N	T	E	A
N	V	E	Y	O	A	K	R	A	I	J	I	T	N	S	G
S	N	S	I	Y	I	J	T	P	S	F	D	E	E	X	D
I	M	U	J	E	R	E	S	A	C	G	E	C	I	Z	A
O	D	R	O	U	G	W	Y	A	I	N	Q	O	V	L	L
N	I	R	I	H	E	D	J	D	P	I	M	S	A	O	E
Y	Y	E	P	B	L	D	S	S	U	T	A	T	W	P	N
R	E	C	E	N	A	M	A	G	L	R	R	E	S	Ñ	A
L	E	C	K	M	A	H	M	D	O	F	I	S	D	M	R
J	S	I	E	F	D	P	I	C	S	K	A	J	C	K	G
R	A	O	F	U	F	E	G	U	T	I	R	I	P	S	E
J	F	N	V	E	G	D	O	B	K	E	M	A	U	S	T
T	D	N	M	G	M	R	S	X	L	L	O	F	T	Y	D
E	P	A	Z	O	N	O	S	Z	J	K	P	G	M	H	I
A	S	G	F	D	P	O	E	N	C	U	E	N	T	R	O

## CONDORITO



## PRONOSTICO DI TEMPO VALIDO TE DIALUNA 09 DI MAART 2020, 18:00 ORA.

COMPILA:  
DIADOMINGO 08 DI MAART 2020 17:00 (21:00 UTC)

TEMPO:  
AWE ANOCHI: LEVEMENTE TE PARCIALMENTE NUBLA I SECO  
DEN MARDUGA I MAYAN: PARCIALMENTE NUBLA CU UN POSIBLE AWACERO PASAJERO

TEMPERATURA MAXIMO 31 GRADO CELSIUS  
TEMPERATURA MINIMO 26 GRADO CELSIUS

BAHADA DI SOLO : 6:50 PM  
SUBIDA DI SOLO : 6:50 AM.

BIENTO:  
FOR DI DIRECCION OOST TE OOST- NOORDOOST I MODERA TE BASTA FUERTE;  
FORSA 4 TE 5 (20 TE 39 KM/ORA, 11 TE 21 NUDO).  
DEN DIA FUERTE TE POSIBLEMENTE DURO DEN RAFAGA;  
FORSA 6 TE 7 (40 TE 61 KM/OR, 22 TE 33 NUDO)  
SITUACION GENERAL DI TEMPO PA PROXIMO 24 ORA:  
LO NO BAI TIN CAMBIONAN GRANDI DEN E TIPO DI WEER CU TA  
REINANDO ACTUALMENTE. PA E MOTIBO AKI NO TA SPERA AWACERO  
DI IMPORTANCIA I UN WEER GENERALMENTE SECO LO PREVALESE.

CONDICIONAN MARITIMO/ ESTADO DI LAMA:  
UN ESTADO DI LAMA MODERA TA WORDU SPERA PA PROXIMO 24 ORA.  
OLANAN TA FOR DI DIRECCION OOST NOORDOOST CU HALTURA DI  
4 TE LOCALMENTE 7 PIA NA PARTINAN OOST TE NOORDWEST.  
LABADERANAN MODERA FOR DI NOORD LO DRENTA DEN AWANAN  
REGIONAL PA MAJAN DIALUNA I LO POR HACI LAMA NA  
CIERTO PARTINAN NA COSTA POCO BRUTO.  
AVISO/ ALERTA: TA SUGERI CAUTELA NA E PARTINAN OOST TE  
NOORDWEST DI COSTA I LAMA HABRI GENERALMENTE.

FENOMENONAN SPECIAL: NINGUN

POTENCIAL DI AWACERO PA PROXIMO 24 ORA:  
MENOS DI 1 MM;  
LOCALMENTE ESAKI POR VARIA.

REGISTRACION DI TEMPERATURA (GRADO CELSIUS) Y AWACERO (MM)  
DEN ULTIMO 24 ORA:

AIRPORT : MAX 31 / MIN 26 / 0.0 MM  
WESTPUNT: MAX 30 / MIN 27 / 0.0 MM  
STA ROSA: MAX 31 / MIN 26 / 0.0 MM

PRONOSTICO DI TEMPO PA PROXIMO TRES (3) DIANAN:  
PARSIALMENTE NUBLA CU UN AWACERO PASAJERO.

BIENTO LO TA FOR DI DIRECCION OOST;  
MODERA TE BASTA FUERTE; FUERTE TE POSIBLEMENTE DURO DEN RAFAGA;  
TEMPERATURA ( GRADO CELSIUS) MAX / MIN LO TA: 31 / 26



# SERVICIO Y COMPRA



**Santa Cruz  
BARBERSHOP**  
Mon-Fri: 8AM-9PM • Sun: 9AM-6PM  
T1.600-6673 • T2.592-1880

## Cilantro's Grill Menu

*Breakfast - Lunch - Dinner*

**CUMINDA CRIOYO**  
*Sopi di Dia Special*  
*Pa Pedidos: 594 0635*



**Maduro Heavy Equipment N.V.**

**Nos tin servicio di BOBCAT**

Pa tur tipo di santo, piedra y graniet  
Pa trabao di rosamento y cobamento  
di fundeshi of Pos

*Tin special riba diarazon*

Rooi Bosal 49

**Tel: 5851708/5943207/5931608**

POWERLIFTING • BODYBUILDING

## WARRIORHOUSE

GYM



**Situa na**  
**Santa Cruz 266**  
**Tel: 566-4478**

## TA FURA

**Orange Matrassen Fabriek**

**30% Y 40 %**

di descuento riba cashi paña  
y cashi television.

Matras y Box

Busca mainta y haye atardi.

Set di sala, comedor etc.

**Tel: 588-7468 / 593-4387**

## TA HUUR

Un kamer pa pareha of pa solteria  
sin mucha.

Situa den corazon di Aruba  
den area di

Cumana serca di caya Betico Croes

**5609789 / 5679707 / 5659595**



**PA TAXATIE DI CAS**

**Y PROPIEDAD**

**TUMA CONTACTO CU**

**CERA ARUBA**

**TEL: 561 5643**

Abona na **SOLO** De Pueblo awor!

Yama 585-9500 of

e-mail nos na [solodipueblo@gmail.com](mailto:solodipueblo@gmail.com)

**Tur marduga nos ta entregue den bo porta di cas!**

Noticia cayente, ta aki bo ta haye!



## Servicio na Comunidad

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141
Ambulance San Nicolas	584-5050
Ambulance Sasaki	582-5573
Ambulance Wayaca	582-1234
Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782
Servicio nan	
Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913
Aurora Funeral Home	588-6699
Royal Funeral Home	586-4444
Ad Patres Funeral Home	584-2299
The Olive trees Funeral Home	582-0000
Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Foundation	588-9999
Kiningin Wilhelmina Fonds	582-0412
Fundacion pa nos mucha nan	583-4247

# NUMBER 3

## SOLO Di Pueblo

Lotto Merdia MAART 7	Lotto Anochi MAART 7	<b>DIARIO</b>
<b>CATACHI</b> Sorteo # 2850	<b>CATACHI</b> Sorteo # 7029	MAART 8 1. 6057 2. 3563 3. 1509
<b>8711</b>	<b>1666</b>	
<b>7198</b>	<b>2411</b>	<b>CURACAO</b>
<b>5423</b>	<b>0511</b>	MAART 8 1. 4291 2. 4749 3. 9165
<b>BIG 4</b> Sorteo # 2850	<b>BIG 4</b> Sorteo # 6073	<b>LOTTO DIA</b>
<b>5389</b>	<b>5887</b>	MAART 8 01 06 12 20 24
<b>DIFF</b> Sorteo # 906	<b>DIFF</b> Sorteo # 778	<b>SUPER 4</b>
<b>4713</b>	<b>9330</b>	MAART 8 * 9597
<b>ZODIAC</b> Sorteo # 2850	<b>ZODIAC</b> Sorteo # 4832	
<b>8010</b>	<b>6803</b>	
<b>Scorpio</b>	<b>Gemini</b>	

### Lotto Merdia MAART 8

<b>CATACHI</b> Sorteo # 2851
<b>0864</b>
<b>3259</b>
<b>5257</b>
<b>BIG 4</b> Sorteo # 2851
<b>6642</b>
<b>DIFF</b> Sorteo # 907
<b>4564</b>
<b>ZODIAC</b> Sorteo # 2851
<b>4228</b>
<b>Acuario</b>

### Sto. Domingo

MAART 8  
1. 2224  
2. 0365  
3. 0893

## AWASERO PRETO TA CAY NA HAPON Y TA DESATA UN OLA DI PREOCUPACION (Y DI TEORIA) ENTRE E POBLACION



Un awasero scur a cay riba e prefectura di Saitama (Hapon) dia 2 di maart ultimo, extendiendo temor y preocupacion entre e residentenan Hapones debi na su colo, SoraNews a informa. E teorlanan evoca pa hende pa splica e inusual precipitacion, cu abao tabata parce mescla cu concreto, ta bay desde supuesto incineracion di curpanan infecta pa coronavirus, te na awasero nuclear, pasando door di e incendio di un almacen of contaminacion. Alcaldia di e prefectura a pronuncia riba e fenomeno y a sigura cu e analisis di e radioactividad di e

likido no a duna resultado na fuera de lo comun. Tambe, a indica cu autoridadnan a intercambia informacion cu e Oficina di Maneho Ambiental di e prefectura y ta traha "pa compronde e situacion." Bisiña di e localidadnan afecta pa e awasero aki a haci eco di e inusual fenomeno riba rednan social.



**Tipline: 585 9500**  
e-mial: [solodipueblo@gmail.com](mailto:solodipueblo@gmail.com)





		7				3		
	2			6	9		1	
9		8	3			6		5
	3		9		8	1		
	4			3			2	
		9	4		1		8	
5		4			3	2		7
	7		5	8			3	
		3				4		

		8	4		2			
	7			5			2	
		9	3		6	8		1
7		2				4		5
	8			4			3	
3		4				9		7
8		3	7		1	2		
	2			8			9	
			5		4	3		

	9	6			2		7	
4								3
		2	8	7		5		9
9			1		8	6		
		1		3		9		
		8	6		7			4
2		4		8	9	3		
3								8
	8		4			2	9	

								3
8		9		4		7		6
		3		1		2		9
			5		2	9		4
	9		4	8	1		7	
1		2	9		7			
4		5		9		8		
6		8		2		4		7
9								

5					7		9	4
			3		6			
1		8		9	5		7	
	1	5						6
	4	2		1		8	3	
8						2	5	
	9		7	5		1		3
			8		3			
3	8		9					5

8				5				3
	3			6			9	
	5	7		2			4	1
2		8		9	5			
		9				4		
			7	1		9		6
4	8			7		3	2	
	2			3			6	
3				4				8





# Neymar ta lidera lista di Brasil pa inicio di eliminatorio Suramericano

E tecnico di e seleccion Brasileño di futbol, Tite, a duna di conoce diabierna, e nomina di 24 hungado pa e inicio di eliminatorio Suramericano pa e Mundial di Qatar 2022, unda cu ta destaca e presencia di e delantero di PSG, Neymar.

Brasil lo ricibi Bolivia na Recife dia 27 di maart y cuater dia mas laat lo bishita Peru na Lima, den un repiticion di e ultimo edicion di Copa America. E gran ausencia di e "Canarinha" pa e partidonan

ai ta e portero di Liverpool Alisson Becker, kende a keda na ultima ora pafu di e citacion debi na un lesion muscular.

Aki ta sigui e lista completo di Brasil pa e dos partidonan aki.

## Keeper

Ederson (Manchester City, Inglaterra)

Weverton (Palmeiras)

Ivan (Ponte Preta)

## Defensornan

Thiago Silva (Paris Saint-Germain, Francia)

Marquinhos (Paris Saint-Germain)

Eder Militão (Real Madrid, España)

Felipe (Atlético de Madrid, España)

Daniel Alves (São Paulo)

Daniilo (Juventus)

Renan Lodi (Atlético de Madrid)

Alex Sandro (Juventus, Italia)

## Mediocampistanan

Arthur (Barcelona, España)

Casemiro (Real Madrid, España)



Fabinho (Liverpool, Inglaterra)

Everton Ribeiro (Flamengo)

Bruno Guimarães (Lyon, Francia)

## Delanteronan

Philippe Coutinho (Bayern Munich, Alemania)

Gabriel Jesús (Manchester City)

Richarlison (Everton, Inglaterra)

Roberto Firmino (Liverpool, Inglaterra)

Gabriel Barbosa (Flamengo)

Neymar (Paris Saint-Germain)

Everton (Gremio)

Bruno Henrique (Flamengo)



FARPA

## Academia di Bellas Artes Aruba y FARPA respalda pa CEDE ARUBA cu colaboracion di CENTRO DI BARIO DAKOTA, ta anuncia workshop nobo TEATRO DEN BARIO

Un proyecto di teatro total na **Centro di Bario Dakota**. Bo kier traha decor? Bo kier actua? Bo kier traha cu lus? Bo kier diseña bistir? Bo kier baila? Bo kier haci musica?

### Tur esaki por! Si y completamente Gratis!

Y bo no mester sa di teatro pa bin e lesnan aki. Dies bin y participa na e workshop di teatro cu ta habri pa un y tur. Edad ta di 12 te cu 19 aña. Bin y traha cu e maestro talentoso di teatro, **Angelo Angela**. Cuminsando riba **Dialuna 16 di MAART**. E workshopnan aki ta tres biaha pa siman y ta di 3pm pa 5pm di Diaranson te cu Diabierna. **Inscribi awor door di yama pa Centro di Bario Dakota na 5976955, Angelo Angela 5921214** Pa mas informacion na Cel: 5654613 o e-mail na [elvis@ateliers89.com](mailto:elvis@ateliers89.com).

### Dienstregeling artsen IMSAN

#### MAART 2020

Dr. Boderie, E  
Dr. de Cuba, M  
Dr. Every, B  
Dr. Giel, D  
Dr. Linden v/d, J

Dr. Ramautar, K  
Dr. Veringa, E  
Dr. Vis, S  
Dr. Wever, M  
Dr. Winterdal, N

MA 02 WEVER  
DI 03 WINTERDAL  
WO 04 BODERIE  
DO 05 DE CUBA  
VR 06 LINDEN V/D

MA 09 RAMAUTAR  
DI 10 VERINGA  
WO 11 VIS  
DO 12 WEVER  
VR 13 WINTERDAL

MA 16 BODERIE  
DI 17 DE CUBA  
WO 18 VIS (HIMNO Y BANDERA)  
DO 19 GIEL  
VR 20 LINDEN V/D

MA 23 RAMAUTAR  
DI 24 VERINGA  
WO 25 VIS  
DO 26 WEVER  
VR 27 WINTERDAL

MA 30 BODERIE  
DI 31 DE CUBA

#### WEEKENDDIENST

07 - 08 MAART  
14 - 15 MAART  
21 - 22 MAART  
28 - 29 MAART

\* LINDEN V/D  
\* RAMAUTAR  
\* VERINGA  
\* VIS



# CREMACION DI HENDE MORTO, TA BINI DI CREENCIANAN PAGANO Y NO DI DIOS TATA.

Nos por mira claramente cu den Bijbel e tradicion di Israel, cu tabata e prome pueblo escohi di Dios Tata, nan ta dera semper nan curpa morto. Mientras cu den mundo tin pueblonan cu creencianan paganismo, reencarnacion y ocultismo satanico y nan si ta crema y ta kima nan curpa morto. E Hudiunan no ta permiti cremacion di curpa den nan pais. Tin iglesianan na mundo no ta permiti cremacion di curpa. Bijbel ta bisa, cu nos curpa ta bira stof manera cu mester ta durante tempo, pero Bijbel no ta bisa, cu nos curpa ta bira shinishi pa medio di kimamento di curpa. E tradicion di deramento di curpa, ta wordo demostra den Bijbel Testamento Bieuw y tambe den Testamento Nobo. Lesa loke Bijbel ta bisa den 1 Corinthisonan 15: 44, Apostel Pablo ta bisa: "Ta dera un curpa mortal y un curpa spiritual ta lanta for di morto." Den Bijbel Genesis 23: 19, ta bisa: "Despues Abraham a dera su senjora Sara den e cueva Makpela, pariba di Mambre, esta na Hebron na Canaan." Den Bijbel 2 Kronikanan 16: 13 y 14 ta bisa: "Asa a bay sosega cerca su antepasadonan den e di 41 anja di su reinado. A dera Asa den su graf cu el a laga coba den e ciudad di David." Den Bijbel Huan 11: 43 y 44: "Despues di a resa asina, Hesus a bisa na bos halto: " Lazaro, sali pafor." E defunto a sali cu man y pia lora den panja y cara

mara cu lenso. Hesus a bisa nan: "Kita e panjanan ey for di su curpa y lag'e bay." Den Bijbel Mateo 27: 59 y 60: "Hose di Arimatea a cohe e curpa di Hesus, a lor'e den un panja nobo di lenen y a pon'e den su mes graf. Tabata un graf nobo cu el a laga coba den baranca." I tin hopi mas capitulonan den Bijbel cu ta papia di deramento di curpa y no di kimamento di curpa. E curpa di tur ser humano ta wordo crea pa Dios Tata y Dios Spirito Santo ta biba y ta move den nos curpa y ta haci nos curpa un instrumento di honor pa Dios Tata. Por mira e curpanan di e Cristiannan y di e Santonan cu a muri hopi siglonan pasa y nan curpa a keda intacto, incorumpibel pa motibo di nan bida santo. Por ehempel, San Padre Pio, Sta. Bernadette Soubirous, Sta. Cecilia, San Huan Bosco, San Juan Vianney, San Francisco de Sales, San Vincent de Paul, Santo Papa Pius V, Santo Papa Juan XXIII, Santa Ana Maria Taigi, Santa Agatha y hopi mas defuntonan cu a muri y nan curpa a keda incorumpibel. Pesey ta con Iglesia ta permiti cremacion di curpa y mientras cu Cristo-Hesus kier pa un curpa di hende keda incorumpibel pa motibo di nan bida Cristian y santo? Cristo-Hesus mes a wordo dera y El a lanta Su mesun curpa for di morto, p'esey tur Cristiannan ta kere cu nan deramento den

santana ta un testimonio pa e Resurreccion cu tin di bini. Nos curpa ta tempel di Spirito Santo y p'esey nos curpa mester wordo trata cu honor y cu respet. Ta con un famia lo bai sinti, cu nan ser stima a pasa pa medio di candela ardiente y a bira shinishi? Na mundo tin hendenan cu ta den creencianan pagano, den ocultismo satanico, den reencarnacion, den secta celtics, den New Age y nan si ta crema y ta kima nan curpa morto, pasobra nan ta kere den reencarnacion y nan ta kere den diosnan falso di paganismo. Un Cristian den Cristo Hesus mester comprende bon kla, cu den e di Prome Leynan di Dios Tata cu ta e Prome Mandamento, Dios Tata ta prohibi pa no kere, pa no participa y pa no imita den e creencianan di ocultismo, di reencarnacion, di paganismo y di New Age. Pasobra tur e practicanan, creencianan y imitacionnan aki ta condenabel den fierno pa Dios Tata. Awor si nos pensa bon, cu e kimamento di curpa di hende morto, no ta bini di Dios Tata, pero e ta bini di creencianan pagano cu ta contra di Dios Tata Su Leynan. Awor ta e famianan ta keda responsabel, si ta dera nan defuntonan manera cu Dios Tata kier of manera e otro creencianan di mundo ta haci. E responsabilidad ta keda pa cada un dicidi segun su consenshi. Un mensahero di Dios.



Se asegura que esta Oración se encontró el año de 1550 sobre el Sepulcro de N. S. Jesucristo y se la enviaron al Emperador Carlos El Grande cuando partía a combatir en San Miguel, en Francia.

Todo aquel que rece o lleve encima esta Oración será preservado de muerte repentina, de morir ahogado, quemado, de ser envenenado y de toda clase de accidentes. Las mujeres tendrán partos felices y al niño a quien se le aplique, será preservado de todo mal. Cura la epilepsia.

El que propague esta Oración recibirá muchas bendiciones y gracias. La casa donde se conserve con respeto y devoción, será preservada de las tempestades.

El que la rece diariamente, no morirá sin los Sacramentos.

(Con aprobación Eclesiástica)

† EMILIO, Arzobispo

Rezar esta Oración el Viernes Santo a las 3 p.m. y de preferencia el 3 de Mayo.

## ORACION

Dios, Todopoderoso, que habéis padecido muerte de cruz por mis pecados, venid a mí Jesucristo, por tu Santísima Cruz, tened piedad de mí, tened piedad de nosotros, Santa Cruz de Jesucristo, sed mi esperanza Jesucristo, por la señal de tu Santa Cruz, retirad de mí, toda arma cortante, derramad sobre mí, toda clase de bienes. Por la Señal de tu Santa Cruz, apartad de mí todo mal Santa Cruz de Jesucristo, sed mi salvación, apartad de mí, todo peligro de muerte; preservadme de toda clase de accidentes temporales. Yo adoraré a Nuestro Señor Jesucristo Crucificado y veneraré la Señal de su Santa Cruz. Jesús Crucificado, tened piedad de mí; haced que el espíritu malo huya de mí, ahora y siempre, por todos los siglos de los siglos. Amén.

Por tu Santa Encarnación, por tu glorioso nacimiento, por tu Santísima Sangre, por tu Corona de Espinas, tus Sagradas Llagas y preciosa Muerte en el memorable Viernes Santo, tened piedad de mí. libradme de todos los males en este mundo y llevadme después al cielo, para bendecirte y amarte por toda la eternidad. Amén.



Abona na  awor!

Yama 585-9500 of e-mail nos na [solodipueblo@gmail.com](mailto:solodipueblo@gmail.com)

Tur marduga nos ta entere den bo porta di cas!

Noticia cayente, ta aki bo ta haye!



Parokia Inmaculada Concepcion di Sta Cruz, den nomber di Pastoor Jairo Maduro y Pader Jose Miguel, ta informa e mayornan cu a inscribi nan yunan pa ricibi e Sacramento di Confirmacion e aña aki lo siguiente.

- **Diarazon 4 di Maart:** lo tin un anochi di informacion pa e mayornan di 7.30 pm - 9 pm den Centro San Martin.
- **Diadomingo 8 di Maart, pa 8 'or di mainta:** ta spera tur e mayornan, e hobennan cu ta bay confirma, nan respectivo **madrina y padrino** y tambe tur e **catekistanan** pa asisti na un Santo sacrificio di Misa, caminda pastoor lo duna un bendicion special p'asina duna inicio na e periodo di Formacion.
- **Dialuna 9 di Maart,** e prome les lo tuma luga den Misa di 5.15 pm -6.45 pm pa **tur dos grupo** (tanto di dialuna como diamars). E simannan siguiente e lesnan lo sigi normal den Centro San Martin riba dialuna y diamars mesun ora.



# CLASIFICADO

e-mial: solodipueblo@gmail.com

Tipline: 585 9500

## ORACION DI DIA

### Rumannan un dia bendiciona yena cu e amor y paz di Señor

"Feliz esnan cu ta warda su preceptonan y ta busc'E di curason...."  
Sal. 119,2

Nos, como Catolico, sa cu kico nos haci den nos bida y kico cu pasa den nos bida, ta na gracia di Señor. Nos sa cu ta Señor semper tin un plan pa nos. Nos mester simplemente kere den dj'E. Aunke nos no ta comprende pakico cosnan ta pasa, pero nos mester tin simplemente fe den dj'E. E unico cos cu Señor ta pidi nos, ta pa kere den dj'E. Pa nos tur dia, cada momento y den tur circunstancia, ador'E. Semper tin Señor como nos guia. Semper gradici'E. Semper pidi'E Su yudansa. Pero ora nos ta haci'E, e mester bin di curason. E mester bin di profundidad di bo alma. Y ora bo haci'E, e mester ta, unicamente, pa Señor. No haci'e pa hende mira. No haci'e pa hende husga bo. No haci'e pa bo bay broma con hopi bo ta adora Señor. Haci'e pasobra bo kier keda fiel na Señor. Bo kier cumpli cu tur Su mandamentonan (Sal.119:5) Haci'e pasobra bo kier biba manera un bon Catolico. Haci'e pasobra bo sa cu esaki ta e caminda cu Hesus a siña nos.

Oracion: Señor Dios, yuda mi keda fiel na bo mandamentonan.  
Amen

"Señor ta mi wardador, mi'n tin falta di nada

Den cunucu di yerba berde e ta ponemi sosega.

E ta hibami na awa trankil,

Pa mi bolbe haña forsa".

Salmo: 23

Cu honda pena pero conforme cu Dios su boluntad

nos ta anuncia fayecimento di :

## Julio Tromp

Mihor conoci como: " Papa Juchi of Juchi"

\*22-05-1939 - †03-03-2020



Na number di su:

Casa:

†Carmen Delia Tromp-Jones

Yunan: Julio Cesar y Ileying Li-Tromp na Hulanda

Rudi y Evelinda Tromp

Judith y Uriel Tamayo-Tromp

Rocio y Wolter Britten-Tromp

Manera yiu:

Gloria van der Dijs-Figaroa

Nieto(a)nan:

Carmen Delia, Julio, Danilo Tromp na

Hulanda

Jasmine, Rushella, Rudsinnny, Joan-Nina

Tromp

Juliska, Bryan, Kimberly, Joanne Britten

Tur su bisanieto(a)nan na Aruba y Hulanda

Mescos nieto:

Shaswin Tromp, Dyandra Albertus, Santino y

Gabriel van der Dijs

Rumannan:

Domí y Yvonne Tromp

†Jossy Tromp

Vda. Bertha Tromp

Eddy y Fortunata Tromp

Vdo. Joon Tromp

†Nikky y Nelly Tromp

Regina Tromp

Martin Tromp

Miguel y Ada Tromp

Deta Tromp

Sobrino(a)nan: Marisol Lopez-Tromp y familia, Leticia Tromp, Jamil Tromp y familia, Edward Tromp y familia, Selin Croes-Tromp y familia, Elaine Tromp, Dolfi Tromp y familia, Linda Gei-Tromp y familia, Raiza Tromp y familia na Hulanda, Omar Tromp y familia, Luis Tromp, Rachelle Tromp y familia, Milangela Tromp, Gina Baars y familia na Hulanda, Rishella Brete y familia, Mary-ann Brete

Su bon bisñanan: vda. Carmensita Ruiz, Rogelio Lopez, Rosa Suares, Teresita Erasmus, vda. Mia Guerrero

Prima y primonan, comer y compernan, Grupo Flor di Bini Bini, Ex empleadonan d Web Aruba NV, tur su amigonan y conocirnan di Hot Corner (Skina Cayente), Café 080 y demas familia y tur su ihanan y familia

Nos disculpa si den nos tristeza nos por a lubida un of otro familia

Demas familia: Tromp, Jones, Britten, Tamayo, Li, Semeleer, Figaroa, Webb, van der Dijs, Lopez, Brete, Gei, Jacobs, Wolff, Ruiz, Trimon, Williams, Frank, Frans, Farro, Baez, Zimmerman, Bonarriba, D'Aguire, Croes, Albertus Dijkhoff

Oportunidad pa condolencia: Aurora Funeral Home, dialuna 9 di maart 2020 di 7'or pa 9'or di anochi.

Ta invita pa acto di entierro cu lo tuma lugar  
Diamars 10 di Maart 2020

na misa Santa Anna na Noord di 2'or pa 4'or  
di atardi, despues saliendo pa Santana  
catolico na Noord.

Lo tin un box pa donacion  
na Wit Gele Kruis



## INTELIGENCIA DI UN MUCHA NO TA DEPENDE DI SU NOTANAN



Aunke cu nos sa cu e inteligencia di un mucha no ta depende di su notanan, manera con nos ta laga nos mes como mayor, impresion cu e cualificacionnan! Un excelente ta yena nos di orguyo, un onvoldoende of suspension, ta decepciona nos, manera cu e nota aki lo defini kende nos yiu ta y cualnan ta su capacidnan. E cualificacionnan escolar ta un forma di midi un conocimiento. Sin embargo, no ta duna cuenta di e esfuerso y e dedicacion cu e mucha a inverti den e proceso di aprendishe. Tampoco ta demostra si efectivamente e mucha a siña algo di forma consistente. Un mucha cu un bon memoria, kisas ta obtene bon punto. Un mucha cu un inteligencia distinto den e materia den cual e ta wordo evalua, por haya onvoldoende. Sin embargo, den e materia vincula cu su tipo di inteligencia, seguramente e lo ta exitoso.

Inteligencia di e mucha Si. Segun e psicologo y investigador Howard Gardner, den cda persona tin ocho tipo di inteligencia of habilidadnan cognoscitivo. E teroia di inteligencianan multiple aki, ta reconoci den hopi ambito educativo. Di acuerdo cu e planteamento di e profesor Mericano aki, no ta existi un unico inteligencia unico humano. Tin un diversidad di inteligencia, cu ta marca e potencialidad, fortaleza y debilidnan cu cada individuo tin y cu lo marca su actuacion den distinto escenario. E teoria di inteligencianan multiple aki, ta permiti bala, compronde y stimula e potencialidnan di cda mucha, mas leu di loke por

midi un indice di conciente intelectual.

Bo yiu tin tur e tipo di inteligencianan aki, solamente cu uno ta mas preponderante cu otro.

E inteligencia di e mucha pa matematica, por yud'e tin bon resultado. Sin embargo, no lo ta igual si e inteligencia pa linguistica of pa deporte ta mas debil. Tur esaki ta pone den evidencia e berdada cu e notanan no ta representa e inteligencia di e mucha.

E tiponan di inteligencia  
Inteligencia linguistico  
E muchanan cu e tipo di inteligencia aki ta siña skirbi, lesa, conta cuenta of haci crucigrama cu suma facilidad. Su lenguahe orral ta asina bon como esun skirbi. E tin facilidad pa siña idioma.

Inteligencia logico-matematica  
Muchanan cu ta resolve cu facilidad problemanan aritmetico, problemanan di logica-matematica, weganan di strategia y experimento. Na esunnan cu e tipo di inteligencia aki ta resulta nan hopi facil resolve pruebanan di conciente intelectual.

Inteligencia visual y espacial  
Muchanan cu gusta dedicanan tempo liber pa pinta, gusta resolve puzzel of ta prefera weganan di construccion, tin e tipo di inteligencia aki. Nan ta pensa den imagen y dibuho.

Inteligencia musical  
Ta muchanan cu ta disfruta, siña y aprecia e cancionnan y musica. Nan ta identifica cu facilidad sonidnan. Nan tin e facilidad pa siña toca un instrumento musical.

Inteligencia corporal cinesico

## BOLO "LAMCHI DI PASCO" PA PASCO DI RESURECCION NA PAROKIA SANTA ANNA, NOORD



Diadomingo 12 di April 2020 Iglesia Catolico Universal ta celebra e fiesta di Resurreccion di HesuCristo, e Lamchi di Pasco, despues di a refleha durante 40 dia riba Su sufrimento y Su morto.

Den Huan 1:29 nos por lesa: "Ata e Lamchi di Dios, cu ta kita pica di mundo" y den Revelacion 17:14 tin skirbi: "Nan lo bringa contra e Lamchi, ma e Lamchi, hunto cu su siguidonan fiel cu Dios a scoge y yama, lo derota nan, pasobra e Lamchi ta e Señor di mas halto y e Rey riba tur rey."

Parokia Santa Anna ta ofrece e oportunidad pa celebra e fiesta di Resurreccion di HesuCristo cu un bolo Lamchi di Pasco bendiciona. Un bolo cu por comparti den famia, cu amigonan of cu coleganan.



For di dialuna 9 di Maart por cumpra un tikete pa e suma di 10 florin durante oranan di oficina mainta di 9or pa 10or y atardi di 5or pa 6or na Pastorie Santa Anna.

Diasabra 11 di April pa 9or di mainta lo bendiciona e bolonan Lamchi di Pasco den Centro Apostolico Santa Anna y por buska e bolonan despues di bendicion.